

欽定四庫全書

子部
類證普濟本事方卷二

詳校官太醫院恩糧臣孔毓秀

編修臣倉聖脈覆勛

總校官中書臣朱 鈐

校對官中書臣石鴻緒

謄錄監生臣張 濟



欽定四庫全書

子部五

類證普濟本事方

醫家類

提要

臣等謹案類證普濟本事方十卷宋許叔微

撰叔微字知可或曰揚州人或曰毘陵人惟

曾敏行獨醒雜志作真州人二人同時當不

誤也登紹興二年張九成榜進士第六人醫

家謂之許學士宋代詞臣率以學士為通稱

欽定四庫全書

類證普濟本事方

不知所歷何官也是書載經驗諸方兼記醫

案故以本事為名朱國禎湧幢小品載叔微

嘗獲鄉薦春闈不利而歸舟次平望夢白衣

人勸學醫遂得盧扁之妙凡有病者診後與

藥不取其直晚歲取平生已試之方併記其

事實以為本事方取本事詩之例以名之云

云即指此書然考獨醒雜志叔微雖有夢見

神人事而學醫則在其前不知國禎此語何



<p>本也叔微診治之術最為精詣其所論廣絡</p>	<p>原野以冀一獲之說尤救弊之篤論其書屬</p>	<p>詞簡雅不諧於俗故明以來不甚傳布此本</p>	<p>從宋槧鈔出其中凡丸字皆作圓猶是漢張</p>	<p>機傷寒論金匱要畧舊例也國禎又記叔微</p>	<p>所著尚有擬傷寒歌三卷凡百篇又有治法</p>	<p>八十一篇及仲景脉法三十六圖翼傷寒論</p>	<p>二篇辨類五卷今皆未見傳本疑已散佚云</p>	<p>欽定四庫全書 類證普濟本事方</p>	<p>乾隆四十四年六月恭校上</p>	<p>總纂官 臣 紀昀 臣 陸錫熊 臣 孫士毅</p>	<p>總校官 臣 陸費墀</p>				
--------------------------	--------------------------	--------------------------	--------------------------	--------------------------	--------------------------	--------------------------	--------------------------	---------------------------	--------------------	-----------------------------	------------------	--	--	--	--



欽定四庫全書

類證普濟本事方卷一 宋 許叔微 撰

治中風肝胆筋骨諸風

治肝經因虛內受風邪卧則魂散而不守狀若驚悸

真珠圓

真珠母

三分研
細同碾

當歸

酸棗仁

熟地黄

各一
兩半

人參

伏神

柏子仁

各一
兩

犀角

沉香

龍齒

各半
錢

欽定四庫全書

類證普濟本事方

右為細末煉蜜為丸如梧子大辰砂為衣每服四五

十九金銀薄荷湯下日午夜卧服

獨活湯

獨活

黑
者

羌活

人參

防風

前胡

華陰細辛

五味子

沙參

白茯苓

半夏

酸棗仁

甘草

各一
兩

右為粗末每服四大錢水一盞半生姜三片烏梅半

筒同煎至七分去滓不拘時候



紹興癸丑予待次四明有董生者患神氣不寧每卧則
魂飛揚覺身在牀而神魂離體驚悸多魘通夕無寐更
數醫而不效予為診之親詢曰醫作何病治董曰衆皆
以為心病予曰以脉言之肝經受邪非心病也肝經因
虛邪氣襲之肝藏魂者也游魂為變平人肝不受邪卧
則魂歸於肝神靜而得寐今肝有邪魂不得歸是以卧
則魂揚若離體也肝主怒故小怒則劇董欣然曰前此
未之聞雖未服藥已覺沉疴去體矣願求藥法予曰公

欽定四庫全書

類證普濟本事方

且持此說與衆醫言所治之方而徐質之閱旬日復至
云醫徧議古今方書無與病相對者故予處此二方以
贈服一月而病悉除此方大抵以真珠母為君龍齒佐
之真珠母入肝經為第一龍齒與肝同類故也龍齒虎
睛今人例以鎮心藥殊不知龍齒安魂虎睛定魄各有
類也東方蒼龍木也屬肝而藏魂西方白虎金也屬肺
而藏魄龍能變化故魂游而不定虎能專靜故魄止而
有守予謂治魄不寧者宜以虎睛治魂飛揚者宜以龍



齒萬物有成理而不識亦在夫人達之而已

治中風雖能言口不喎斜而手足蹻曳脉虛浮而數風

中腑也盖風中脉則口眼喎斜風中腑則肢體廢風中

臟則性命危凡風中腑宜汗而解

星附散

天南星薄切 白茯苓汁浸 川烏汁浸 人參不浸 白附子汁浸

白僵蚕汁浸 沒藥 黑附子 半夏薄切
以上各等分

右為細末每服二錢水酒各一盞同煎至八分去滓

欽定四庫全書

類證普濟本事方

熱服二三服汗出差頃在桐廬有人患此證三投此

藥得汗手足能舉

治體虛有風外受虛濕身如在空中

二生散

生附子 生天南星各等分

右二味咬咀每服四大錢水一盞半生薑十片慢火

煎至八分去滓服戊子年予在新安有此疾張醫博

子發授此方三服愈



治中風忽然昏若醉形體昏悶四肢不收風涎潮於上
鬲氣閉不通宜急救

稀涎散

猪牙皂角

四挺肥寔不
註者去黑皮 晋礬 光明者
一兩

右細末研勻輕者半錢重者三匙匕溫水調灌下不
大嘔吐但微微冷涎出一二升便得醒次緩而調治
不可便大服亦恐過傷人孫兆方

治中風同前證

欽定四庫全書

類證普濟本事方

勝金圓

生薄荷

半兩

猪牙皂角

二兩槌碎水一升二味一
處搗引汁浸火熬成膏

瓜蒂末

一兩

藜蘆末

一兩

朱砂

半兩
研

右將硃末一分與二味研勻用膏子搜和丸如龍眼
大以餘硃為衣溫酒化一丸甚者二丸以吐為度得
吐即醒不醒者不可治必用方論中風無吐法引金
虎碧霞為戒且如卒暴涎生聲如引鋸牙關緊急氣
閉不行湯藥不能入命在頃臾執以無吐法可乎但



不當用銀粉藥恐損脾壞人四肢耳予常用此三方
每每有驗

治一切風

拒風丹

川芎四兩 防風一兩 天麻一兩 甘草一兩 細辛三錢

畢撥半兩

右細末煉蜜和杵每服作三十丸每將一粒細嚼荆
芥湯或溫酒下尋常些小傷風頭痛鼻塞項強筋急

欽定四庫全書

類證普濟本事方

皆可服予家常合老幼所須之藥

世言中氣者雖不見於方書然暴喜傷陽暴怒傷陰
憂愁不豫氣多厥逆往往多得此疾便覺涎潮昏塞
牙關緊急若概作中風候用藥非止不相當多致殺
人元祐庚午母氏親遭此禍至今飲恨母氏平時食
素氣血羸弱因先子捐館憂惱忽一日氣厥牙噤涎
潮有一里鑿便作中風以大通丸三粒下之大下數
行一夕而去予常痛恨每見此證急化蘓合香丸四



五粒灌之便醒然後隨其虛實寒熱而調治之無不
愈者經云無故而瘖脉不至不治自己謂氣暴逆也
氣服則已審如是雖不服藥亦可 范子默記崇寧
中凡兩中風始則口眼喎斜次則涎潮閉塞左右共
灸十二穴得氣通十二穴者謂聽會頰車地倉百會
肩隅曲池風市足三里絕骨髮際大椎風池也依而
用之無不立効

元符中一宗人得疾踰年不差謁暨於王思和繹思

欽定四庫全書

類證普濟本事方

和具脉狀云病因驚恐肝臟為邪邪來乘陽明之經
即胃是也邪盛不畏勝我者又來乘肺肺緣久病氣
弱全無聽受其肝凌侮其病時復頭眩瘖瘓搐掣心
胞伏涎久之則害脾氣要當平肝氣使歸經則脾不
受尅脾為中州土主四肢一體之事脾氣正則土生
金金旺則肺安矣今疾欲作時覺氣上衝者是肝侮
肺肺不受侮故有此上衝肝勝則復受金尅故搐搦
也以熱藥治之則風愈甚以冷藥治之則氣已虛肺



屬金金為清化便覺臟腑不調今中和溫藥抑肝補
脾漸可安愈今心忪非心忪也胃之大絡名曰建里
絡胸鬲及兩乳間虛而有痰則動須臾時發一陣熱
者是其候也服下三方一月而愈思和名鑿寓儀真
時人少知者後至都下聲名籍甚為鑿官政和中度
為黃冠終藥珠侍晨

續斷湯

續斷 杜仲 細辛 白茯苓 牛膝 肉桂

欽定四庫全書

類證普濟本事方

防風 白芍藥 各一兩 甘草 當歸 人參

川芎 秦艽 川獨活 熟地黄 各三兩

右為細末每服二錢水一盞生薑三片棗一枚同煎
至七分空心食前稍熱服

薯蕷圓

薯蕷 人參 沙參 遠志 防風 真珠母

紫石英 飛研水 茯神 虎骨 各一兩 虎睛 一對二味

龍齒 華陰細辛 石菖蒲 五味子 丹參



右為細末煉蜜為丸梧子大每服三十九至五十九
金銀薄荷湯下食後臨卧服

獨活散

川獨活 白朮 白茯苓 葳蕤 秦艽

栝子仁 甘草 各一兩 犀角 川椒 熟地黄

枳寔 白芷 官桂 各半兩 人參 一分

右為細末每服二錢水一盞生薑三片棗一枚同煎
至七分不拘時服

欽定四庫全書

類證普濟本事方

治風在肝脾語蹇脚弱大便多秘

地黄酒

熟地黄 四兩 附子 茵芋 羌活 防風 芎藭 各一兩

兩 石斛 二兩 丹參 二兩 牛蒡根 二兩 牛膝 杜仲

桂枝 各兩半 大麻子 一升

右細剉入絹袋盛寬貯之用無灰酒一斗九升封漬
七日逐日空心食前飲一盞常□勿令吐

治中風內虛脚弱語蹇



防風湯	石斛 <small>一兩半</small> 乾地黄 杜仲 丹參 <small>各一分</small> 防風
治中風入脾肝經年四肢不遂舌強語蹇	川芎 麥門冬 桂心 川獨活 <small>各一兩</small>
竹瀝湯	右為粗末每服五錢水一大盞半棗二枚同煎八分去滓溫服
葳靈仙 附子 桔梗 防風 蔓荊子	
枳殼 川芎 當歸 <small>各等分</small>	
欽定四庫全書	類證普濟本事方
右為粗末每服四錢水一盞竹瀝半盞薑三片同煎	
至八分去滓溫服日三四忌茗	
治久風邪入肝脾二經言語不轉	
防已湯	漢防已 防風 桂心 附子 <small>各半兩</small> 葳靈仙 <small>三分</small>
麻黃 <small>兩半</small>	
右為粗末每服四錢水一盞引子半盞煎至七分去	
滓溫服日三四引子用竹瀝荆瀝地黄汁各一盞生	



薑汁半盞和勻用之以上四方龐先生傳審而用之
良驗

治筋急項強不可轉仄

木瓜煎

宣州木瓜 二個取
蓋去穢沒藥 二兩
研乳香 一分
研

右二味入木瓜內蓋子合了竹簽定之飯上蒸三四
次研爛成膏子每服三五匙地黃酒化下生地黃汁
半盞無灰上醞二盞和之用八分一盞煖熱化膏有

欽定四庫全書

類證普濟本事方

人患此病自午後發黃昏時定予曰此患必先從足
起經言十二經絡各有筋惟足少陽之筋自足至頂
大抵筋者肝之合也日中至黃昏天之陽陽中之陰
也又曰陽中之陰肺也自離至兌陰旺陽弱之時故
靈寶畢法云離至乾腎氣絕而肝氣弱肝腎二臟受
陰氣故發於是時予授此方三服而愈同官歛丞張
德操常言其內子昔患筋攣脚不得屈伸者踰年動
則令人持抱求鑿於泗水楊吉老云此筋病宜服下



三方服一年而愈	治筋極養血	地黃圓	熟地黃 <small>一錢</small> 頑荆 <small>一分</small> 山茱萸 <small>五分</small> 黑狗脊 <small>灸</small> 地膚子	白朮 乾漆 蟻螬 <small>乾炒</small> 天雄 車前子 <small>各三錢</small> 華蘼	山羊 澤瀉 牛膝 <small>各一兩</small>	右細末煉蜜和杵如梧子大每服五十九丸溫酒下空心夜卧服	治筋痺肢節束痛	欽定四庫全書 類證普濟本事方	羚羊角湯 <small>秋服之</small>	羚羊角 桂皮 附子 獨活 <small>各一兩</small> 白芍藥 <small>三錢半</small>	防風 <small>灸</small> 芎藭 <small>各一兩</small>	右為粗末每服三大錢水一盞半生薑三片同煎至八分取清汁日服二三服	治寒冷濕痺留於筋脉攣縮不得轉仄	烏頭湯 <small>冬服之</small>	大烏頭 細辛 川椒 甘草 秦艽 附子
---------	-------	-----	---	---	-----------------------------	---------------------------	---------	-------------------	-------------------------	--	---	--------------------------------	-----------------	------------------------	--------------------



滴水為丸如彈子大磁合收每服一九薄荷酒磨下	香一錢將下二味為細末然後同前二味再碾再研	右先將乳香沒藥於陰涼處當風細研更用研了麝	乳香 沒藥 各一兩 川烏 半兩 五靈脂 四兩	鐵彈圓	治一切癱瘓風	年之艾久而後知耳	人服三五盞求效責鑿也速矣孟子曰七年之病三	欽定四庫全書 類證普濟本事方	默不語醫者蒸黃芪數斛以薰之得差蓋此類也今	日所能攻皆大劑久而取効唐書載王太后中風喑	酒之類更加以灸無不愈者然此疾積習之久非一	凡中風用續命排風風引竹瀝諸湯及神精丹茵芋	去滓空心食前服	右為粗末每服三錢水一盞半棗二枚同煎至八分	當歸 各一兩 川獨活 一兩三錢半	官桂 白芍藥 各七分 乾薑 白茯苓 防風
----------------------	----------------------	----------------------	------------------------------	-----	--------	----------	----------------------	-------------------	----------------------	----------------------	----------------------	----------------------	---------	----------------------	---------------------	-------------------------



日用三服

黑神圓

草烏頭

不去皮生

五靈脂

各等分

右為末六月六日滴水為丸如彈子大四十歲以下

分六服病甚一九分二服薄荷酒磨下覺微麻為度

治風客陽經邪傷膝理背脊強直口眼喎斜體熱惡寒痰厥

頭痛肉潤筋惕辛額鼻淵及飲酒過多嘔吐涎沫頭目眩暈

如在車船常服解五邪傷寒辟霧露瘴氣爽惠神志諸風不生

欽定四庫全書

類證普濟本事方

定風餅子

天麻 川烏 南星 半夏 川薑 川芎

甘草 白茯苓

等分並生

右細末生薑汁為丸如龍眼大作餅子硃砂為衣每

服一餅細嚼熱生薑湯下不拘時候熙豐間王丞相

常服預防風痰神驗

治胆虛冷目眩頭疼心神恐畏不能獨處胸中滿悶

茯神散



人參散	治胆虛常多畏恐不能獨卧如人捕狀頭目不利	去滓食前服	右為粗末每服四大錢水一盞半棗二枚煎至八分	獨活 前胡 各八分	防風 <small>錢一</small> 人參 <small>分六</small> 細辛 <small>分五</small> 芎藭 甘草 茯神	補胆防風湯	訟恐懼面色變青	欽定四庫全書 類證普濟本事方	治胆虛目暗喉痛唾數眼目眩冒五色所障夢見被人	右為細末煉蜜杵丸如梧子大每服三四十九酒下	五味子 <small>各等分</small>	鼈甲 人參 黃芪 酸棗仁 牛膝 羌活	鼈甲圓	治胆虛不得眠四肢無力	人參 桂心 熟地黄 甘菊花 <small>各三分</small> 枳殼	茯神 <small>兩一</small> 遠志 防風 細辛 白朮 前胡
-----	---------------------	-------	----------------------	-----------	---	-------	---------	-------------------	-----------------------	----------------------	------------------------	--------------------	-----	------------	-------------------------------------	-------------------------------------



<p>人參 枳殼 五味子 桂心 <small>各三分</small> 栝子仁 熟地黄 <small>各一兩</small> 山茱萸 甘菊花 茯神 枸杞子 <small>各三分</small></p>	<p>右為細末每服二錢溫酒調服</p>	<p>治肝厥狀如癇疾不醒嘔吐醒後頭虛暈發熱方</p>	<p>麻黃 鈎藤 <small>取皮</small> 石膏 乾葛 半夏麴 柴胡</p>	<p>甘草 枳殼 甘菊 <small>各等分</small></p>	<p>右為粗末每服四錢水一盞半生薑三片棗一枚同</p>	<p>欽定四庫全書 類證普濟本事方</p>	<p>煎至八分去渣溫服</p>	<p>類證普濟本事方卷一</p>
---	---------------------	----------------------------	---	------------------------------------	-----------------------------	--	-----------------	------------------



欽定四庫全書	類證普濟本事方卷二	宋 許叔微 撰
治因驚言語顛錯不能服溫藥宜	遠志圓	治心小腸脾胃病
右為細末煉蜜丸如梧子大硃為衣每服三十九薄	硃砂 <small>半兩入麝少許同研</small> 金箔 <small>五片</small> 遠志 南星 白附子	白茯苓 酸棗仁 人參 <small>各半兩</small>
荷湯下食後臨卧服	茯苓散	茯苓 熟地黄 白芍藥 川芎 當歸 桔梗
右為細末每服二錢水一盞燈心棗同煎至七分不	拘時服	白茯苓 遠志 人參 <small>各等分</small>
上證服此二方得力	寧志膏	宋明遠教授母七十四歲因戎馬驚疾如



方不終劑而愈又黃山沃巡檢彥其妻狂厥者踰年	二東提轄張載揚其妻因避寇失心已數年予授此	得釋神失如痴予與一丸服訖而寐及覺病已去矣	此予家秘方也戊申年軍中一人犯法褫衣將受刃	大每服一丸金銀薄荷湯化下溫酒亦可	右為末入研腦麝少許同研極勻煉蜜杵丸如龍眼	半兩 <small>一夕用</small> 硃砂 <small>一分留少許為衣</small>	麻黃 <small>各半</small> 乾蝎 <small>一分</small> 紫蘘子 <small>一分</small> 天南星 <small>洗淨切薄片姜汁浸</small>	欽定四庫全書 類證普濟本事方	附子 南木香 白僵蚕 花蛇 橘紅 天麻	驚氣圓	精神若痴	治驚憂積氣心受風邪發則牙關急緊涎潮昏塞醒則	丸愈親舊多傳去服之皆驗	化下 予族弟婦緣兵火失心製此方與之服二十	右為細末煉蜜和杵丸如彈子大每服一丸薄荷湯	人參 <small>一兩</small> 酸棗仁 <small>一兩</small> 辰砂 <small>半兩</small> 乳香 <small>一分</small>
----------------------	----------------------	----------------------	----------------------	------------------	----------------------	---	---	-------------------	---------------------	-----	------	-----------------------	-------------	----------------------	----------------------	--



更十餘鑿而不驗予授此方去附子加鉄粉亦不終劑而愈鉄粉非但化涎鎮心至如摧抑肝邪特異若多恚怒肝邪太盛鉄粉能制伏之素問云陽厥狂怒治以鉄烙飲金尅本之意也此亦前人未嘗論及安神鎮心治驚悸消風痰止頭眩	
辰砂遠志圓	
石菖蒲	遠志
人參	川芎
山芋	鉄粉
天麻	半夏麩
南星	<small>剉<small>穀子大</small>炒<small>黃</small></small>
白附子	<small>各一兩生</small>
欽定四庫全書 類證普濟本事方	
細辛	辰砂
<small>各半兩</small>	
右為細末生姜五兩取汁入水煮和丸如菘豆大別以硃為衣乾之每服二十粒夜卧生薑湯下小兒減半服	
茯苓圓	
辰砂	石菖蒲
人參	遠志
茯苓	茯神
白茯苓	
真鉄粉	半夏麩
南星	<small>牛胆製各等分</small>
右為細末生姜四兩取汁和水煮糊丸如梧子大別	



用硃為衣乾之每服十粒加至二十粒夜卧生薑湯
下上二方醫官都君子常用以療心疾良驗

治心驚熱小便澀及治五淋

火府丹

生地黃 二兩 木通 黃芩 各一兩

右為細末煉蜜杵丸梧子大每服三十九丸木通煎湯

下此藥治淋澀臍下滿痛

壬戌年一卒病渴日飲斗水不食者三月心中煩悶

欽定四庫全書

類證普濟本事方

時已十月予謂必心經有伏熱與此藥數服五十粒

溫水下越二日不覺來謝云當日一服渴止又次日

三服飲食如故此本治淋用以治渴信知用藥要在

變通也

開胃養氣進飲食

七珍散

人參 白朮 黃芪 蜜水拌炙 甘草 粟米 微炒 白茯苓 各一兩

右為細末每服二錢水一盞薑薑同煎至七分如故



不思飲食加白扁豆一兩蒸用名八珍散

予製此方溫平不熱每有傷寒瘧疾中暑得差之後

用此以調脾胃日三四服十日外飲食倍常

治脾氣久虛不進飲食停飲脇痛

麩朮圓

神麩 十兩 白朮 五兩
微炒 土炒 乾薑 官桂 川椒 吳茱萸 各二兩

右為細末薄糊丸如梧子大每服三五丸生薑湯

下食前稍空服有飲加半夏麩二兩癸亥中子作數

欽定四庫全書

類證普濟本事方

劑自服飲食倍進

和氣調中進飲食

白朮湯

白朮 厚朴 桂心 桔梗 乾薑 人參

當歸 茯苓 甘草 各等分

右為粗末每服四錢水盞半棗二枚煎八分去滓不

拘時服龐老方

治腰腎虛弱全不飲食



二神圓

破故紙炒四兩 肉荳蔻生二兩

右為細末用大肥棗四十九枚生姜四兩切片同煮棗爛去姜取棗剥去皮核用肉研為膏入藥和杵丸如梧子大每服三十九丸塩湯下有人全不進食服補脾藥皆不效予授此方服之頓然能食此病不可全作脾虛盖腎氣怯弱真元衰劣自是不能消化飲食譬如鼎釜之中置諸米穀下無火力雖終日米不熟

欽定四庫全書

類證普濟本事方

其何能化黃魯直嘗記服兔絲子淨淘酒浸曝乾日炒數匙以酒下十日外飲噉如湯沃雪亦此理也

温脾散

舶上茴香炒 青皮 陳艾 縮砂仁 桔梗 香
白芷 厚朴各一兩 木香 白朮 香附子各半兩 甘
草一兩半 紅豆 良姜 麥芽 乾葛各三分

右為粗末每服一錢水一盞棗一枚煎七分食前服

治肺腎兩經病



肺之積名曰息賁在右脇下大如杯令人洒淅寒熱喘嗽發癰疽

棗膏圓

葶藶

陳橘皮

桔梗

各等分

右先以下二味為末入葶藶研勻煮肥棗肉和丸如

梧子大每服五七丸飲下予常患停飲久積肺經食

已必噎漸喘覺肺系急服此良驗

平肺氣補虛消飲

欽定四庫全書

類證普濟本事方

五味子圓

五味子

二兩

桂心

大杏仁

青皮

細辛

人參

枳榔

煨各一兩

乾姜

炮

附子

各半兩

右為細末煉蜜為丸如梧子大每服三四十丸或酒

或湯下空心食前日三服

定喘急肺積

葶藶圓

苦葶藶

一兩一錢

當歸

肉桂

白茯苓

乾姜

川烏頭



治肺癰吐膿血作臭氣胸乳皆痛	至七分溫服日三服	右為粗末每服四錢水二盞生姜四片蜜半匙同煎	細辛 半夏 麩 茯苓 桔梗 桂枝 甘草	治肺虛實不調鼻塞多涕咽中有涎而喘項強筋急或痛	細辛湯	十年而醫者皆不效忽有一道人貨此藥漫贖一服是減	半數服頓愈遂多金丐得此方予屢用以救人特為神異	欽定四庫全書	類證普濟本事方	量大小與之並用蠶茶臨卧以知為度有一親戚婦人患	右用膏子和砒同杵極勻丸如麻子大每服十五丸小兒	信砒 飛半 豆豉 畧潤少 成膏	紫金丹	治多年肺氣喘急	姜棗湯下日三四服不拘時	右為細末煮棗肉和杵丸如梧子大每服二三十丸	吳茱萸 鱉甲 大杏仁 白茯苓 人參 枳榔
---------------	----------	----------------------	---------------------	------------------------	-----	------------------------	------------------------	--------	---------	------------------------	------------------------	-----------------	-----	---------	-------------	----------------------	----------------------



升麻湯

川升麻 桔梗 薏苡仁 地榆 子芩 牡丹

皮 芍藥 甘草

右剉粗末每服一兩水一升半煎五合去滓日三服

治肺喘久不息責

五靈圓

五靈脂 木香 葶藶 馬兜鈴

右為細末棗肉和丸如梧子大每服二十九丸姜湯下日三服

欽定四庫全書

類證普濟本事方

脾惡濕腎惡燥如硫黃附子鐘乳鉛丹之類皆剛劑

人用之以助陽補接真氣則可若云補腎則正腎所

惡者古人製方益腎皆滋潤之藥故仲景八味丸本

謂之腎氣丸以地黄為主又補腎強陽之類皆正補

腎經也近世盛行香茸丸可補腎經亦有數方具後

蔡太師所服香茸丸

鹿茸 熟地黄 附子 茯苓 破故紙

當歸 沉香 射香



右為末入麝研勻煉蜜杵丸梧子大每服三五十九 空心塩湯下	又方	鹿茸 ^{二兩} 沉香 人參 白芍藥 熟地黄 生地	黃 蓯蓉 牛膝 澤瀉 大附子 當歸 ^{各一兩}	麝香 ^{一錢}	右為細末酒糊丸如梧子大每服五十九丸塩酒塩湯 下	欽定四庫全書 類證普濟本事方	又方	熟地黄 ^{五兩} 兔絲子 ^{四兩} 鹿茸 ^{三兩} 附子 ^{二兩} 沉香 ^{一兩}	右為細末入麝半錢煉蜜杵丸如梧子大每服三十 丸至五十九丸塩酒塩湯下	治腎氣上攻項背不能轉移	椒附散	大附子 ^{一枚六錢以上者 炮去皮臍末之}	右每末二大錢好川椒二十粒用白麪填滿水一盞
-------------------------------	----	-----------------------------------	----------------------------------	------------------	----------------------------	-------------------	----	--	-------------------------------------	-------------	-----	-----------------------------------	----------------------



半生姜七片同煎至七分去椒入塩通口空心服
一親患項筋痛連及背膊不可轉服諸風藥皆不效
予嘗憶千金羸有腎氣攻背予強證與之兩服頓差
自後與人皆有驗盖腎氣腰自夾脊上至曹谿穴然
後入泥丸宮曹谿一穴非精於搬運者不能透今逆
行至此不得通用椒以引歸經則安矣蕭氣上達椒
下達詩言椒聊且貽我握椒皆此意矣

治腎經虛腰不能轉仄

欽定四庫全書

類證普濟本事方

麋茸圓

麋茸

一兩如無以
鹿茸代之

兔絲子

取末
一兩

舶上茴香

半兩

右為末以羊腎一對法酒煮爛去膜研如泥和丸如
梧子大陰乾如腎膏少入酒糊佐之每服三五十九
溫酒塩湯下

戊戌年八月淮南大水城下浸灌者連月予忽臟腑
不調腹中如水吼數日調治得愈自此腰痛不可屈
折雖頰面亦相妨服徧藥不效如是凡三月予後思



之此必水氣陰腎腎經感此而得乃灸腎愈三七壯
服此藥差

治腎虛或時脚腫兼治脾圓

地黄圓

熟地黄 二兩 肉蓯蓉 白茯苓 澤瀉 各三兩 桂枝

附子 各半兩 五味子 黃芪 一兩獨莖者

右為細末煉蜜杵丸如梧子大每服四五十九空心

酒下食前再服

欽定四庫全書

類證普濟本事方

治腎虛足膝無力

青鹽圓

茴香 三兩 兔絲子 末四兩 乾山藥 二兩 青鹽 一兩

右將兔絲洗淘無灰酒浸日中煎七日冬天近火煨
之晒乾別末將餘藥末和勻酒糊丸如梧子大每服
三五十九丸鹽酒鹽湯下予頃常服數年力壯食加有
一婦人足躄曳因服此藥履地如故

補益虛勞方



<p>治肝腎俱虛收斂精氣補真戢陽充悅肌膚進美飲食 五味子圓</p>	<p>五味子 川巴戟 肉蓯蓉 人參 熟地黄</p>	<p>覆盆子 白朮 兔絲子 益智仁 骨碎補 <small>炒 去洗</small></p>	<p>毛 牡礪 以上各 <small>等分</small></p>	<p>右為細末煉蜜杵丸如梧子大焙乾每服三十九空心 心食前米飲下日二三服此藥補氣止汗</p>	<p>平補五腑虛羸六府怯弱充肌膚進飲食</p>	<p>欽定四庫全書 類證普濟本事方</p>	<p>人參圓</p>	<p>人參 山芋 白朮 白茯苓 石斛 黃芪 <small>頭取</small></p>	<p>末 五味子 各一 <small>兩</small></p>	<p>右為細末煉蜜丸如梧子大每服三十九空心食前 飲下久服不熱尤宜少年</p>	<p>補血益氣治虛勞少力</p>	<p>雙和散</p>	<p>黃芪 熟地黄 當歸 川芎 白芍藥 <small>各一 兩 二</small></p>
--	---------------------------	--	--	--	-------------------------	--	------------	--	---------------------------------------	---	------------------	------------	--



官桂 甘草 各三分

右為粗末每服四大錢水一盞半生薑三片肥棗一枚煎至八分去滓服予製此方止是建中四物二方而已每傷寒瘧疾中暑大病之後虛勞氣乏者以此調治皆驗不熱不冷溫而有補

黑錫圓 此丹陽慈濟貞方

黑鉛 硫黃 各三兩 舶上茴香 附子 胡盧巴

破故紙 川練肉 肉豆蔻 各一兩 巴戟 木香

欽定四庫全書

類證普濟本事方

沉香 各半兩

右將沙子研細餘藥末研勻入碾自朝至暮以黑光色為度酒糊丸如梧子大陰乾布袋內探令光瑩如丈夫元臟虛冷真陽不固三焦不和上熱下冷夜夢鬼交覺來盜汗面無精光肌體燥澁耳內虛鳴腰疼痛心氣虛精神不寧飲食無味日漸瘦悴膀胱久冷夜多小便婦人月事愆期血海久冷惡路不止赤白帶下及陰毒傷寒面青舌卷陰縮難言四肢厥冷不



石斛散	治虛勞羸瘦乏力不食倦怠多驚畏
石斛 <small>錢四</small>	牛膝 柏子仁 五味子 遠志
木香	杏仁 肉蓯蓉 陳橘皮 訶子
欽定四庫全書	類證普濟本事方
人參 熟地黄 <small>各三錢</small>	白茯苓 柴胡 <small>炒</small> 甘草 <small>二錢</small> 神
曲 麥芽 <small>各六錢</small>	乾姜 <small>一錢半</small>
右為細末每服二錢米飲調下食前日三服	
治虛損補精髓壯筋骨益心智安魂魄令人悅澤駐顏	
輕身延年益壽閉固天癸	
八仙丹	
伏火硃砂 真磁石 赤石脂 代赭石 石中	
黃 禹餘糧 <small>五味並用醋淬</small> 乳香 沒藥 <small>各一兩</small>	



右為細末研勻極細糯米濃飲丸如梧子大或如豆大每服一
粒空心鹽湯下有人年幾七旬夢漏羸弱氣懨懨然虛損得
此方服之忽然強壯精氣固閉飲食如故予常製此自服良驗

治頭痛頭暈方

治風眩頭暈

川芎散

山茱萸^一 山藥^兩 甘菊花 人參 茯苓 小川芎^{各半}

右細末每服二錢酒調下不拘時候日三服不可悞

欽定四庫全書

類證普濟本事方

用野菊龐先生方

治肝厥頭暈清頭目

鈎藤散

鈎藤 陳皮 半夏 麥門冬 茯苓 茯神

人參 甘菊花 防風^{各半} 甘草^{一分} 石膏^兩

右為粗末每服四錢水一盞半生薑七片煎八分去滓溫服

治腎氣不足氣逆上行頭痛不可忍謂之腎厥其脈舉

之則弦按之石堅宜玉真圓



玉真圓

硫黃^{二兩}石膏^{煨通赤研}半夏^{湯柴洗各一兩}硝石^{一分}

右為細末研勻生薑汁糊丸如梧子大陰乾每服二十丸薑湯或米飲下更灸關元穴百壯

良方中黃丸子亦佳素問云頭痛顛疾下虛攻實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則頭暈狗蒙者

欽定四庫全書

類證普濟本事方

如以物蒙其首招搖不定目眩耳聾皆暈之狀也故肝虛頭暈腎厥顛痛不同如此治肝厥鈎藤散在前治氣虛頭疼

大附子一枚剝去心全蝎二個入在內以所剝附子末同鍾乳粉一分麪少許水和裹炮熟都碾為末以焦黃為度葱茶調下一錢或半錢甚效

又方

大川芎^{二個剉作四片}大附子^{一個和皮生為末}



右以水和附子末如麪劑裹芎作四處如附子末少
入少麪裹畢以針穿數孔用真腦麝薰有穴處內香
再捻合穴子如未覺內有香即再薰一炷細羅灰用
銚子內熱灰炮熟末之每服半錢葱茶調下不拘時
候右泗暨楊吉老二方神良

又方

好川芎半兩為末每服二錢腦茶清調下甚捷曾有
婦人產後頭痛一服愈

欽定四庫全書

類證普濟本事方

治氣虛頭暈

白芷圓

白芷 石斛 乾薑 各兩半 細辛 五味子 厚朴

肉桂 防風 茯苓 甘草 陳皮 各一兩 白朮 一分

右為細末煉蜜丸如梧子大每服三十丸清米飲下
不饑不飽服鄉人邵致遠年八十有三有此疾得此
方數服即愈楊吉老傳

治風寒客於頭中偏痛無時疼時牽引兩目遂致失明



白附子散	白附子 <small>一兩</small> 麻黃 <small>一兩</small> 不去節 川芎 南星 <small>各半兩</small> 全蝎 <small>五個</small>
硃砂 麝香 <small>各一分</small>	右為細末酒調一匙服之去枕少時此方見必用方
庚寅年一族人患頭痛不可忍一服即差	治一切頭旋本因體氣弱風邪乘於陽經上注於頭面
遂入於腦亦因痰水在於胸膈之上犯大寒使陽氣不行痰水結聚上衝於頭目令頭旋	行痰水結聚上衝於頭目令頭旋
欽定四庫全書	類證普濟本事方
羚羊角散	羚羊角 茯神 <small>各一兩</small> 芎藭 防風 半夏 <small>湯洗</small>
白芷 甘草 <small>各半兩</small> 枳殼 附子 <small>各一分</small>	右為粗末每服四錢水一盞半生薑半分漫火煎至七分去滓不拘時溫服
養正丹	治虛風頭旋吐涎不已
黑鉛 水銀 硫黃 硃砂 <small>各一兩</small>	



<p>右用建盞一隻火上鎔化成汁次下水銀用柳枝條打勻取下放少時下二味末打勻令冷取下研為粉用米飲丸或用棗肉丸如梧子大每服三十九丸鹽湯下此藥升降陰陽補接真氣非止頭旋而已</p>	<p>治一切中風頭疼</p>	<p>黑龍圓</p>	<p>天南星 <small>洗</small> 川烏 <small>各半 舂黑 豆蒸三次</small> 石膏 <small>半</small> 麻黃 乾薄荷</p>	<p><small>四</small>兩 藁本 <small>各二</small> 白芷 <small>一兩</small> 京墨 <small>半</small></p>	<p>欽定四庫全書 類證普濟本事方</p>	<p>右為細末煉蜜杵丸彈子大每服一丸薄荷茶湯嚼下</p>		<p>類證普濟本事方卷二</p>
---	----------------	------------	---	--	---------------------------	------------------------------	--	------------------



欽定四庫全書

子部

類證普濟本事方卷三
四

詳校官太醫院恩糧臣孔毓秀

編修臣倉聖脈覆勛

總校官中書臣朱 鈔

校對官中書臣石鴻翥

謄錄監生臣張 濤



欽定四庫全書

類證普濟本事方卷三 宋 許叔微 撰

風寒濕痺白虎癱節走注諸病

治風濕四肢浮腫肌肉麻痺甚則手足無力筋脉緩急

續斷圓

川續斷 萆薢 當歸切微炒 附子 防風 天麻

各一兩 乳香半兩 沒藥半兩 川芎三分

右細末煉蜜丸如梧子大每服三四十九丸或酒或飲

欽定四庫全書

類證普濟本事方

下空心食前服

治榮衛澁少寒濕從之痺滯關節不利而痛者

增損續斷圓

川續斷 薏苡仁 牡丹皮 桂心 山芋 白

茯苓 黃芪 山茱萸 石斛 麥門冬各一兩 乾

地黄三兩 人參 防風炙 白朮炮 鹿角膠各七錢

右為細末煉蜜丸梧子大每服三四十九丸溫酒下空

心食前服



治風寒濕痺麻木不仁粥法

川烏
末 生為

右用香熟白米作粥半碗藥末四錢同米用漫火熬
熟稀薄不要稠下姜汁一茶匙許蜜三大匙攪勻空
心啜之溫為佳如是中濕更入薏苡仁末二錢增米
作一中碗服

此粥大治手足四肢不遂痛重不能舉者有此證預
服防之左氏云風淫末疾謂四肢為四末也脾主四

欽定四庫全書

類證普濟本事方

肢風邪客於肝則淫脾脾為肝剋故疾在末穀氣引
風濕之藥徑入脾經故四肢得安此湯劑極有力予
常製此方以授人服者良驗

治濕傷腎腎不養肝肝自生風遂成風濕流注四肢筋
骨或入左肩膊肌肉疼痛入左指中

薏苡仁散

薏苡仁
一兩 當歸 小川芎 乾姜 甘草 官桂

防風 茵芋 人參 羌活 白朮 麻黃



獨活	各半 兩
右為細末每服二錢空心臨卧酒調下日三服	
治五種痺腿步臂間發作不定此脾胃虛衛氣不溫分	
肉為風寒濕所著	
芎附散	
小川芎 附子 黃芪 白朮 防風 熟地黃	
當歸 桂心 柴胡 甘草	
各等分	
右為粗末每服四錢水一盞半生薑三片棗一枚同	
欽定四庫全書	
類證普濟本事方	
煎七分去滓食前日三服常服不生壅熱兼消積冷	
治白虎癰節諸風疼痛游走無定狀如蟲嚙書靜夜劇	
及一切手足不測疼痛	
麝香圓	
川烏	大八角者 三個生用
全蠋	二十一 個生
黑豆	三十一 粒生用
地龍	半 兩
生	
右為細末入麝半分同研勻糯米糊為丸如菘豆大每服	
七丸甚者十九夜卧令鬲空溫酒下微出冷汗一身便差	



予得此方凡是癱節及不測疼痛一二服便差在歛
州日有一貴家婦人徧身走注疼痛至夜則發如蟲
嚙其肌多作鬼邪治子曰此正癱節病也三服愈
癱節宜發汗

麻黃散

麻黃 一兩一分 羌活 一兩 黃芩 三分 細辛 真華陰者 黃芪

右為粗末每服五錢水二盞煎至八分去滓溫服接
續三四服有汗慎風

欽定四庫全書

類證普濟本事方

治癱節腫滿疼痛

茵芋圓

茵芋 硃砂 薏苡仁 各一分 牽牛子 一兩半 郁李仁 兩半

右為細末煉蜜杵丸如梧子大輕粉滾為衣每服十
至十五至三十九五更初溫水下到晚未利可二三
服快利為度白粥將息

治風熱或癱節攻手指作赤腫麻木甚則攻肩背兩膝
遇暑熱或大便閉即作



牛蒡子散

牛蒡子 三兩 新豆豉 炒 羌活 各一兩 生地黄 二兩 黃芪 半兩

半一兩

右為細末湯調二錢空心食前日三服此病多胸高
生痰久則赤腫附著肢節久久不退遂成厲風此孫
真人所預戒也宜早治之

治厲風手指攣曲節間疼不可忍漸至斷落

葶麻圓

欽定四庫全書

類證普濟本事方

葶麻 去殼 黃連 剉如豆 各二兩

右以小瓶子入水一升同浸春夏三日秋冬五日後
用葶麻子一粒擘破面東以浸藥水吞下平旦服漸
加至四五粒微利不妨水少更添忌動風物累用得
效神良

栝葉丸

栝葉 麻黃 山梔子 枳殼 羌活 羊肝石

白蒺藜 升麻 子芩 防風 牛蒡子 荊



草烏頭一觔入竹籬子內以水浸用瓦子於籬內就	烏頭圓	治宿患風癰遍身黑色肌體如木皮膚粗澁及四肢麻痺	師方	如卒中倒地姜汁茶清研五六丸灌下立醒大智禪	夜卧温酒下如跌撲痛用姜汁和酒研十數粒搽之	右為細末酒糊丸如梧子大日乾每服五七粒空心	蚕 烏藥 各半兩 並日乾	欽定四庫全書 類證普濟本事方	草烏頭 三兩半 去皮尖 熟地黄 南星 半夏麩 白僵	趁痛圓	治走疰癱節諸風軟痛卒中倒地跌撲傷損	綠靈散	治風毒瘡如大風疾	右為細末每服二錢温水調下日七八服龐老方	芥 菴蔚子 大黃 各半兩 苦參 一兩 烏蛇 一條
----------------------	-----	------------------------	----	----------------------	----------------------	----------------------	--------------	----------------	---------------------------	-----	-------------------	-----	----------	---------------------	--------------------------



水中瀧洗如打菱角法直候瀧洗去大皮及尖腔起 令乾用麻油四兩塩四兩入銚內炒令深黃色傾出 油只留塩並烏頭再炒令黑色烟出為度取一枚劈 破心內如米一點白恰好也如白多再炒趁熱杵羅 為末用醋糊丸如梧子大乾之每服三十九丸空心晚 食前温酒下真州資福文雅白老元祐間有此疾服 此數年肌體黑點頓除脚力强健視聽不衰有一宗 人遍身紫點風身如墨服踰年體悅澤教予服之亦	欽定四庫全書 類證普濟本事方	得一年許諸風瘡疹瘍皆除然性差熱雖制去毒要 之五七日作烏頭粥啜之為佳法用預章集中者	治風痰停飲痰癖嗽	治停痰宿飲	化痰圓	半夏 <small>湯洗三次</small> 人參 白茯苓 白朮 桔梗 <small>切作小片</small> 薑汁浸 <small>各一兩</small> 枳實 香附子 前胡 甘草 <small>各半兩</small>	右為細末用半夏薑汁煮糊丸如梧子薑湯下三四十九丸
---	-------------------	---	----------	-------	-----	---	-------------------------



治中腕風痰涎飲眩暈嘔吐酸水頭疼惡心

三生圓

半夏_{二兩} 南星 白附子_{各一兩}

右並生為末滴水丸如梧子大以生麵滾衣陰乾每

服十九至二十九薑湯下

治心腹中腕痰水冷氣心下汪洋嘈雜腸鳴多睡口中

清水自出脇肋急脹痛不欲食此胃氣虛冷所致其脉

沉弦細遲

欽定四庫全書

類證普濟本事方

旋覆花湯

旋覆花 細辛 橘皮 桂心 人參 甘草

桔梗 白芍藥 半夏_{各半兩} 茯苓_{三分}

右為粗末每服四錢水盞半薑七片煎八分去滓溫服

治心下停飲冷痰頭目暝眩睡卧口多涎

栝榔丸

栝榔_{三分} 丁香 半夏_{一兩} 細辛 乾薑 人參_{各半兩}

右為細末薑汁煮糊丸如梧子薑湯下二三十丸日三服



治酒癖停飲吐酸水

乾薑丸 聖惠方

乾薑 葛根 枳殼 橘紅 前胡 各半 白朮

半夏麩 山萸肉 甘草 各一分

右為細末煉蜜丸如梧子每服三十九丸用飲下

治積聚停飲痰水生蟲久則成反胃及變為胃癰其說

在靈樞及巢氏病源

芫花圓

欽定四庫全書

類證普濟本事方

芫花 醋製乾 乾漆 狼牙根 桔梗 炒 黃藜盧 炒 栝

榔 各半 巴豆 十粒去殼炒微黑

右為細末醋糊丸如赤豆大每服二三丸加至五六

丸食前姜湯下

此方常服化痰消堅殺蟲予患飲癖三十年暮年多

嘈雜痰飲來潮即吐有時急飲半杯即止蓋合此證

也因讀巢氏病源論酒癰云飲酒多而食穀少積久

漸瘦其病常思酒不得酒即吐多睡不復能食是高



中有蟲使然名為酒瘕此藥治之要之須禁酒即易
治不禁無益也予生平有二疾一則臟腑下血二則
鬲中停飲下血有時而止停飲則無時始因年少時
夜坐為文左向伏几案是以飲食多墜向左邊中夜
以後稍困乏必飲兩三杯既卧就枕又向左邊側睡
氣壯盛時殊不覺三五年後覺酒從左邊下漉漉有
聲脇痛飲食殊減十數日必嘔吐數升酸水暑月止
是右邊身有汗褰褰常潤左邊病處燥無汗遍訪名

欽定四庫全書

類證普濟本事方

醫及海上方服之少有驗間或中病止得月餘復作
其補則如天雄附子礬石其利則如牽牛甘遂大戟
脩嘗之矣予復揣度之已成癖囊如潦水之有科白
不盈科不行水盈科而行也清者可行濁者依前停
留蓋下無路以決之也是以積之六七日必吐而去
稍寬數日復作也脾土惡濕而水則流濕莫若燥脾
以勝濕崇土以填科則此疾自去矣於是悉屏諸藥
一味服蒼朮三月而疾除自此一向服數年不吐不



<p>嘔胸鬲寬飲啖如故暑月汗周身而體涼飲亦當中 下前此飲漬其肝目亦多昏眩其後燈下能書細字 皆蒼朮之力也其法蒼朮一觔去皮切末之用生麻 油半兩水二盞研濾取汁大棗十五枚爛煮去皮核 研以麻汁勻研成稀膏搜和入白熟杵丸如梧子大 乾之每日空腹用溫湯吞下五十九加至一百九二 百丸忌桃李鵲鴿初服時必鬲微燥且以茅朮製之 覺燥其進山梔散一服久之不燥矣予服半年以後</p>	<p>欽定四庫全書 類證普濟本事方</p>	<p>止用燥烈味極辛者削去皮不浸極有力亦自然不 燥也山梔散用山梔子一味乾之為末沸湯點服故 知久坐不可伏向一邊時或運動亦消息之法</p>	<p>治肺氣風寒作嗽</p>	<p>紫蘇散</p>	<p>紫蘇 桑白皮 青皮 五味子 杏仁 麻黃</p>	<p>甘草 各等分</p>	<p>右為粗末每服二錢水一盞煎至七分溫服</p>
--	---------------------------	---	----------------	------------	----------------------------	---------------	--------------------------



利鬲去涎思食止嗽

訶子湯

訶子煨去核 青皮 麥冬各半兩 栝榔四個 半夏三分 甘草一分

右為粗末每服四錢水二盞薑七片煎七分溫日三服

治諸嗽久不差

貝母湯

貝母一兩去心薑製半日焙 黃芩生用 乾薑生 陳皮 五味子各一兩

桑白皮兩 半夏 柴胡 桂心各半兩 木香 甘草各一分

欽定四庫全書

類證普濟本事方

右為粗末每服五錢水一盞半杏仁七粒去皮尖碎

之生姜七片同煎至七分去滓熱服 黃師文云戊

申冬有蔣姓者其妻積年嗽製此方授之一服差以

此治諸嗽即皆愈

積聚凝滯五噎鬲氣

大抵治積或以所惡者攻之以所喜者誘之則易愈如

礪砂水銀治肉積神麩麥芽治酒積水蛭蠱蟲治血積

木香栝榔治氣積牽牛甘遂治水積雄黃膩粉治涎積



欽定四庫全書		類證普濟本事方	
南星	五靈脂	瓜萋根	半夏
			<small>各半</small>
右為細末入二味研藥和勻生姜汁煮糊丸如梧子			硃砂
			<small>三分</small>
大每服三丸生姜湯下或乾嚼蘿蔔下			
治心下蓄積痞悶或作痛多噫敗卵氣			
枳殼散			
枳殼	白朮	香附子	枳榔
	<small>各半</small>	<small>一兩</small>	<small>三錢</small>
右為細末每服二錢米飲調下日三服不拘時候			
纏金丹	丁香	木香	沉香
			檳榔
			官桂
			胡椒
			礪
	砂	白丁香	肉豆蔻
	<small>研</small>	<small>各一分</small>	<small>各一分</small>
		飛礬	馬兜鈴
		<small>各一分</small>	<small>炒</small>
治五種積氣及五噎胸膈不快停痰宿飲			
藥不爾又有所損嗣宗自謂不著書在臨時變通也			
獲之術亦踈矣湏是認得分明是何積聚然後增減用			
則難取效嗣宗所謂譬猶獵不知兔廣絡原野冀一人			
礪石巴豆治食積各從其類也若用羣隊之藥分其勢			



老方

治伏積注氣發則喘悶

訶子圓

訶子 白茯苓 桃仁 枳殼 桂心 檳榔

鱉甲 桔梗 白芍藥 川芎 川烏 人參

橘紅 各等分

右細末煉蜜杵丸如梧子大酒下二十九丸熟水亦得

治一切積聚有飲心痛

欽定四庫全書

類證普濟本事方

礪砂圓

礪砂 荆三稜 乾薑 香白芷 巴豆 去油各半兩

大黃 乾漆 木香 青皮 胡椒 檳榔 各一分

肉荳蔻 各一個

右為細末釀醋二升煎巴豆五七沸後下三稜大黃末

同煎五十沸入礪砂同煎成稀膏稠希得所便入諸藥

和勻杵丸如菉豆年深氣塊薑湯下四五丸食積熟水

下白痢乾薑湯下赤痢甘草湯血痢當歸湯葱酒亦得



治男子婦人患食勞氣勞徧身黃腫欲變成水及久患
痿痺小腸膀胱面目悉黃

紫金丹

胆礬三兩黃蠟一兩青州棗五十個

右於磁合內用頭醋五升先下礬棗漫火熬半日以
來取出棗去皮核次下蠟一處更煮半日如膏入好
蠟茶末二兩同和丸如梧子大每服三十九茶酒任
下如久患漏風痔漏陳茶飲下

欽定四庫全書

類證普濟本事方

宋室趙彥才下血面如臍不進食蓋酒疾也授此方
服終劑而血止面色鮮潤食亦倍常新安有一兵士
亦如是與三百丸作十服亦愈

治沉積

感應圖

丁香各半木香各半乾薑一兩百草霜二兩肉荳蔻二十個巴

豆七十粒杏仁一百四煮酒臍四兩麻油一兩秋冬增半

右以二香薑蔻為細末并三味研極勻煉油蠟和成



劑油紙裹旋圓如菘豆大熟水下五十九此藥近年盛行於世有數方惟此真高子家得之於王景長用之的有效
治五種積氣三焦痞塞胸膈滿悶背膺引疼心腹膨脹脇刺痛飲食不下噎塞不通嘔吐痰逆口苦吞酸羸瘦
少力短氣煩悶常服順氣寬中消痰癖積聚散驚憂恚氣宜服
枳殼散
欽定四庫全書
類證普濟本事方
枳殼 荆三稜 橘皮 益智仁 蓬莪朮 檳榔 肉桂 各一兩
乾薑 厚朴 甘草 青皮 肉荳蔻 木香 各半兩
右為細末每服二錢水一盞生薑三片棗一枚同煎至七分熱服鹽點亦得不拘時服
治氣食憂勞思慮五噎
高氣圓
半夏 桔梗 各二兩
肉桂 枳殼 各一兩半
右細末薑汁和丸如梧子薑湯下三十九食後臨卧服



治胸膈悶塞作噎

薰膏圓

麥門冬 甘草各半兩 人參 桂心 細辛 川椒

遠志去心炒 附子 乾薑各一錢

右細末蜜丸如雞豆大綿裹一九含化食後日夜三服

膀胱疝氣小腸精漏

治膀胱疝氣外腎腫脹痛不可忍

念珠圓

欽定四庫全書

乳香 硃砂各三錢飛 黃蠟一兩

類證普濟本事方

右乳香研細與硃砂同研勻鎔臈和丸作一百單八粒

以綿穿之露一夕蛤粉為衣旋取一九用乳香湯吞下

頃年有人貨疝氣藥肩上擔人我二字以為招目貨

日數千有一國鑿多金得之用之良驗

硃砂圓

木香 沉香 巴豆肉金者各兩 青皮二兩不去皮 銅青

半兩 硃砂 研一分



<p>右上二香青皮三味細剉同巴豆漫火炒令紫色為度去巴為末入青砂二味研勻蒸餅和丸如梧子大每服七丸至十丸鹽湯吞下二三服空心食前服</p>
<p>治膀胱腫硬牽引疼痛及治小腸氣陰囊腫毛間水出</p>
<p>金鈴圓</p>
<p>金鈴子肉<small>五兩</small> 小茴香<small>炒</small> 馬蘭花<small>炒</small> 兔絲子 海蛤</p>
<p>破故紙 海帶<small>各三兩</small> 木香 丁香<small>各一兩</small></p>
<p>右細末糊丸如梧子大每服二三十丸溫酒鹽湯下</p>
<p>欽定四庫全書 類證普濟本事方</p>
<p>空心食前服</p>
<p>治小便難小腸脹不急治殺人</p>
<p>右用葱白三觔細剉炒令熱以帕子裹分作兩處更替熨臍下即通</p>
<p>治膀胱氣痛</p>
<p>茴香散</p>
<p>茴香 金鈴子肉 蓬莪朮 荆三稜<small>各一兩</small> 甘草<small>半兩</small></p>
<p>右細末每服二錢熱酒調下強幼安云每發痛甚連</p>



日只二三服立定

頃在徽城日歛尉宋荀甫膀胱氣作疼不可忍鑿者以剛劑與之愈疼甚小便不通三日矣臍下虛脹心悶予因候之見其面赤黑脉洪大予曰投熱藥太過陰陽痞塞氣不得通為之奈何宋尉尚持四神丹數粒云鑿者謂痛不止更服此予曰若服此定斃後無悔渠懇求治予適有五苓散一兩許分三服易其名用連鬚葱一莖茴香一撮鹽一錢水一盞半煎八分令接續三服中夜下小便如黑汁者

欽定四庫全書

類證普濟本事方

一二升臍下寬得睡翌日診之脉已平矣續用礪砂丸與之數日差大抵此疾因虛得之不可以虛而驟補藥經云邪之所湊其氣必虛留而不去其病則實故必先滌所蓄之邪然後補之是以諸方多借巴豆氣者蓋謂此也

治遺精夢漏關鎖不固

金鎖丹

亦名茴香圓

舶上茴香

胡蘆巴

破故紙

白龍骨

各一兩

木

香

一兩半

胡桃肉

三七個

羊石子

三對

切開

鹽半兩

擦炙熟研如膏



右五味為末下二味同研成膏和酒浸蒸餅杵熟丸
如梧子大每服三五十九丸空心溫湯下

治經絡熱夢漏心忪恍惚鬲熱

清心圓

右好黃蘗皮為細末用生腦子一錢同研勻煉蜜丸
梧子大每服十九至十五丸濃煎麥冬湯下大智禪
師方夢遺不可全作虛冷亦有經絡熱而得之也

猪苓圓

欽定四庫全書

類證普濟本事方

右用半夏一兩破如豆大用木猪苓四兩先将一半
炒半夏黃色不令焦地上出火毒半日取半夏為末
糊丸如梧子大候乾更用前猪苓末二兩炒微裂同
用不泄沙瓶養之空心溫酒鹽湯下三四十丸常服
於申未間冷酒下

此藥治夢遺有數種下部虛憊精不禁者宜服茴香
丸年壯氣盛以節淫慾經絡壅滯者宜服清心丸有
情慾動中經所謂所謂願不得名曰白淫餌良方茯苓



散正似瓶中煎湯氣盛而溢者如瓶中沸湯而溢慾
動心邪者如瓶之傾側而出虛憊不禁者如瓶中有
罅而漏不可一槩用藥也又有一說經曰腎氣閉即
精泄素問云腎者作強之官伎巧出焉又曰腎氣藏
精蓋腎能攝精氣以生育人倫者也或斂或散皆主
於腎今也腎氣閉則一身之精氣無所管攝故妄行
而出不時也猪苓圓一方正為此設此古方也今盛
行於時而人多莫測其用藥之意蓋半夏有利性而
猪苓導水蓋導腎氣使通之意也予藥囊中嘗貯此
藥緩急以與人三五服皆隨手而驗林監丞庇民亦
數服而愈

欽定四庫全書

類證普濟本事方

類證普濟本事方卷三



欽定四庫全書

類證普濟本事方卷四

宋 許叔微 撰

反胃嘔吐

治反胃

附子散

附子一枚極大者放於磚上四面著火漸漸逼熱淬入
薑汁中再用火逼再淬約盡薑汁半碗焙乾末之
每服二錢水一盞粟米少許同煎七分不過三服

欽定四庫全書

類證普濟本事方

鯽魚散

大鯽魚一個去腸留膽納綠礬末填滿縫口以炭
火炙令黃色乾為末每服一錢米飲調下日三服

定嘔吐利高

枇杷散

枇杷葉去毛 人參各一錢 茯苓半兩 茅根切二兩 半夏一錢

右細剉每服四錢水盞半薑七片漫火煎七分去滓

入栝榔末半錢和勻服



食後多吐欲作反胃

白朮散

澤瀉 白朮 茯苓 各等分

右為細末每服一錫湯調溫服

治胃熱嘔吐

竹茹湯

乾葛 三兩 甘草 三錢 半夏 三錢 薑汁半盞漿水一并煮耗半

右每服五錢水二盞薑三片竹茹一團大棗一枚煎一盞溫服

欽定四庫全書

類證普濟本事方

有熱者手足心熱政和中一宗人病傷寒得汗身涼數

日忽嘔吐藥與飲食俱不下鑿者皆進丁香藿香滑石

等藥下嚙即吐予曰此正汗後餘熱留胃腕孫兆竹茹

湯政相當耳急治藥與之即時愈良方槐花散亦相類

治霍亂吐瀉不止及轉筋諸藥不效者一丸治一人

青金丹

硫黃 一兩 水銀 八錢

以二味銚內炒柳木不住攪勻柳枝蘸冷醋頻洒候如



<p>鐵色法如青金塊方成刮下研如粉留小半為散餘以 粽子尖三個約半盞研稀稠得所成膏和丸如雞豆硃 砂為衣每服一九丁香湯磨熱服如服散子丁香湯調 下一錢傷寒陰陽乘伏用龍腦冷水磨下日二三服</p>
<p>治嘔吐不止</p>
<p>香靈圓</p>
<p>丁香 好辰砂 <small>研各六錢</small> 五靈脂 <small>四錢</small></p>
<p>右香脂先細末後入砂再研勻狗胆或猪胆為丸如</p>
<p>欽定四庫全書</p>
<p>雞豆大每服一九生薑橘皮湯磨下</p>
<p>臟腑瀉滑及諸痢</p>
<p>治脾胃不和泄瀉不止諸藥不效</p>
<p>訶子圓</p>
<p>訶子皮 川皮肉豆蔻龍骨木香赤石脂 附子 <small>各等分</small></p>
<p>右細末糊丸如梧子大每服四十九丸米飲下</p>
<p>治脾胃中風濕臟腑泄滑</p>
<p>鞠藭丸</p>



芎藭 神曲 白朮 附子 各等分
右細末糊丸如梧子每服三五十丸米飲下芎藭能除濕
予嘗加朮附製方治脾濕而泄者萬中亦治飧泄素問曰
春傷於風夏必飧泄飧泄者食穀不化蓋春木旺時肝
生風邪淫於脾經至夏餘冷當風故多飧泄此藥尤宜
磨積止泄痢治心腹冷痛
陳麩丸
陳麩 一兩 乾薑 半兩 官桂 白朮 當歸 厚朴 人參 甘草 各半兩
欽定四庫全書 類證普濟本事方
右末煉蜜丸梧子大每服三四十丸或酒或淡醋湯
空心食前日二服發時不拘時增數
治冷氣下瀉
木香圓
木香 半兩 川烏 生 一兩
右細末醋糊丸如梧子大陳醋湯下三五十丸
治痼冷在腸胃間連年腹痛泄瀉休作無時服諸熱藥
不效宜先取去然後調治易差不可畏虛以養病也



溫脾湯

厚朴 乾姜 甘草 桂心 附子生各二兩 大黃

生四錢切研湯一盞漬半日搗去滓煎湯時和汁下

右細剉水二升半煎八合後下大黃汁再煎六合去滓澄去脚不要晚十分三服溫溫自夜至曉令盡不慢食前更以乾姜丸佐之

乾姜圓

乾姜 巴豆去心炒黃研 大黃 人參各一兩

欽定四庫全書

類證普濟本事方

右除巴豆餘為末同研煉蜜丸如梧子大服前湯時用湯吞下一丸米飲亦可

有人因憂愁中傷食結積在腸胃故發吐利自後至暑月稍傷則發暴下數日不已玉函云下利至鬲年月日不期而發者此為有積宜下之止用溫脾湯尤佳如難取可佐以乾姜丸後服

白朮散

白朮 木香 附子 人參各等分



右細末每二錢水一盞薑三片棗一枚煎六分溫服

治積痢

靈砂丹

礪砂一分并
分硃砂一分并
研極細

右用黃蠟半兩巴豆三七粒去殼同放於銀石器內重

湯煮一伏時候巴豆紫色為度去二七粒止將一七粒

與前來二味再同研極勻再溶蠟置藥每旋丸菴豆大

每服三丸至五丸水瀉薑湯下白痢艾湯赤白烏梅湯

欽定四庫全書

類證普濟本事方

服時須極空腹服畢一時不可吃食臨卧尤佳次食

淡粥一日瘧疾乳香湯下面東服不發日晚間服

此藥不動氣服之瀉者止痢者斷疼者愈有積者內化

亦不動臟腑大凡痢有沉積者不先去積雖得暫安後

必為害記陳侍郎涇仲庚戌秋過儀真求診初不覺其

有疾及診視則肝脉沉弦附骨取則牢予曰病在左脇

有血積必發痛陳曰誠如是前此守九江被召冒暑涉

長江暨抵行朝血痢已數日矣急欲登對鑿者以剛劑



燥之雖得止數日臍下一塊大如杯不旬日如碗大發
則不可忍故急請公視以歸為之奈何予曰積痢不
可強止非抵當丸不可渠疑而不服次年竟以此終
治隔年痢不止

木香散

木香 用黃連半兩 甘草 炙一兩 櫻粟殼 剉同薑汁半兩炒

右細末入麝少許研勻陳米飲下二錢佛智和尚傳
云在閩人嘗合以濟人治血痢尤奇

欽定四庫全書

類證普濟本事方

治腎泄

五味子散

五味子 二兩 吳茱萸 半細粒綠色者

右二味用炒香熟為度細末每服二錢陳米飲下頃
年有一親識每五更初欲曉時必唐痢一次如是數
月有人云此名腎泄腎感陰氣而然得此方服而愈

虛熱風壅喉閉清利頭目

治虛煩上盛脾腑有熱咽喉生瘡



治上焦虛熱肺腕咽膈有氣如烟搶上	右細末煉蜜丸如梧子大食後每服一丸茶酒吞下	辛 白附子 羌活 甘草 <small>各半</small> 薄荷 荆芥 <small>各一</small>	川芎 防風 僵蚕 獨活 <small>各一</small> 桔梗 <small>三</small> 天麻 <small>四</small> 細辛	芎辛丸	背項拘急	治頭痛面赤煩悶咽乾上鬲風痰頭目暈昏百節疼痛	右粗末每服四錢水一盞薑四片薄荷五葉煎七分溫服	欽定四庫全書 類證普濟本事方	人參 前胡 防風 <small>各半</small>	川芎 柴胡 <small>各一</small> 半夏 麩 甘草 <small>炙</small> 甘菊 細辛	川芎散	治風盛鬲壅鼻塞清涕熱氣攻眼下淚多眵齒間緊急偏頭疼	右細末每服一錢沸湯調服如咽痛口瘡甚者加薑蚕一兩	子 <small>隔紙</small> 甘草 <small>各一</small>	雞蘇葉 荆芥穗 防風 桔梗 人參 牛蒡	利鬲散
-----------------	----------------------	---	--	-----	------	-----------------------	------------------------	-------------------	----------------------------	--	-----	--------------------------	-------------------------	--	---------------------	-----



通鬲丸	黃連 茯苓 人參 <small>各三兩</small> 硃砂 <small>一分</small> 真腦子 <small>許少</small>
治心經有熱	右細末研勻煉蜜丸如梧子熟水下三五丸日二三服
門冬丸	麥門冬 <small>一兩</small> 川黃連 <small>兩半</small>
治心熱	右細末煉蜜丸如梧子食後熟水下二三十丸
欽定四庫全書	類證普濟本事方
千金地黄丸	川黃連 <small>四兩粗末</small> 生地黄 <small>半觔</small> 研取汁連滓 <small>二味拌勻日乾</small>
人參散	右細末煉蜜丸如梧子每服三十丸食後麥冬湯下
汗此藥補和真氣解勞倦婦人血熱虛勞骨蒸並皆治	治邪熱客於經絡肌熱痰嗽五心煩熱頭目昏痛夜多盜
人參	人參 白朮 白茯苓 柴胡 半夏 麩 當歸
赤芍藥 乾葛 甘草 子芩	<small>各一兩 各一兩 半兩</small>



右為細末每服三錢水一盞薑四片棗二枚煎八分
不拘時候帶熱服但是有勞熱証皆可服熱退即止
大抵透肌解熱干葛第一柴胡次之所以升麻葛根
湯為解肌之冠也

調榮衛順三焦治風壅消痰涎退煩熱

清氣散

前胡 柴胡 川芎 枳殼 白朮 青皮 羌

活 獨活 甘草 茯苓 人參 各等分

欽定四庫全書

類證普濟本事方

右為末每服二錢水一盞荆芥一穗煎七分服此方敗
毒散中去桔梗加白朮青皮增損亦有理用之良驗

治邪入經絡體瘦肌熱推陳致新解利傷寒時疾中暍伏暑

柴胡散

柴胡 四兩 甘草 一兩

右為末每服二錢水一盞煎八分食後熱服此藥冬月
可以潤心肺止咳嗽除壅熱春夏可以禦傷寒時氣解
暑毒居常不可缺不論長幼皆可服倉卒可以便得



治骨蒸肌熱解一切虛煩躁生津液

地仙散

地骨皮洗 防風各一兩 甘草一分

右為末每服二錢水一盞生姜三片竹葉七片煎至

七分服信效方增人參半兩雞蘇一兩甘草添一分

腫漏水氣蠱脹

治腹中有濕熱氣自下作腫如新卧起之狀兩足跟微

腫病在腎腎少陰也標在肺肺者太陰也故中滿氣急

欽定四庫全書

類證普濟本事方

咳嗽喘息有音每就卧則右脇有氣上衝肩掖與缺盆

相牽引不快少思飲食

葶藶圓

甜葶藶半兩 郁李仁湯去皮熬紫色秤三分 白朮半兩

牽牛子半兩一半熟用 桑白皮 赤茯苓 漢防己

羌活 陳橘皮 澤瀉以上各三分

右細末與上二味同研煉蜜和入白內治之九如梧

子大初服十九空心晚食前日二服生姜橘皮湯下



不知加至二三十圓以知為度	寔脾散	大附子 <small>一個</small> 草果 乾薑 <small>各二兩</small> 甘草 <small>一兩</small> 大腹皮 <small>六個</small> 木瓜 <small>一個</small> 穰 <small>去片</small>	右於砂器水煑劈開乾薑心內不白為度不得全令水乾恐近底焦取出剉焙為末每空心日午用沸湯點服	欽定四庫全書 類證普濟本事方	治水氣	羌活散	羌活 蘿蔔子 <small>各等分</small>	右同炒香熟去蘿蔔子不用末之温酒調下二錢一日一服二日二服三日三服取效嘉興簿張昌方	治四肢腫滿	大棗湯	白朮三兩 咬咀每服半兩水一盞半大棗三枚拍破
--------------	-----	--	--	-------------------	-----	-----	---------------------------	---	-------	-----	-----------------------



同煎九分去渣溫服日三四服不拘時候	茯苓散	治腫滿小便不利	郁李仁 <small>四錢</small> 檳榔 <small>二個</small> 赤茯苓 白朮 甘遂 <small>切片炒</small>	橘皮 <small>一錢半</small>	右細末每服一錢薑棗湯下	又方	厚朴 <small>半兩</small> 牽牛子 <small>二兩炒取末二兩</small>	欽定四庫全書 類證普濟本事方	右細末每服二錢薑棗湯調下	治游風攻頭面或四肢作腫塊	知母湯	知母 <small>一兩</small> 麻黃 黃芪 甘草 羌活 白朮 枳殼 <small>各半兩</small>	右粗末每服四錢水一盞半牛蒡子一百粒研碎煎至七分溫日三四服覺冷不用牛蒡子	有一達官其母年七十中風拘攣平日止是附子之
------------------	-----	---------	---	-----------------------	-------------	----	---	-------------------	--------------	--------------	-----	---	-------------------------------------	----------------------



類扶養一日面浮腫手背亦腫尋常有一國鑿供藥
診之是水病欲下大戟牽牛以導之其家大驚憂惶
召予議之予曰素問種面腫曰風足脛腫曰水此服
附子太過正虛風生熟之證咽必噎塞鬲中不利誠
然予乃進升麻牛蒡丸參湯繼以知母湯三日便愈
常見一鑿書中論水蟲三病臍腹四肢悉腫者為水
但腹脹四肢不甚腫者為蠱有中表一婦人患蠱病
予謂不可下當寔脾不然之卒後入棺木腹與棺蓋

欽定四庫全書

類證普濟本事方

平治蠱宜石中黃丸

腎臟風及足膝腰腿脚氣等疾

治腎臟風攻注脚膝方

連枝甘遂

兩

木鱉子

二個

一雌

去殼

右為末獐猪腰子二個批開藥末一錢摻勻濕紙裹

數重漫火煨熟放溫五更初細吞米飲下

積水多則利多少則少也宜軟飯將息若患一脚切

看左右如左脚用左邊腰子右用右邊者藥末止一



錢壬子年在毘陵有姓馬人鬻酒久不見因詢其親云宿患腎臟風今一足發腫如瓠自腰以下鉅細通為一律痛不可忍卧欲轉側則兩人挾持方動或者欲以鉞刀決之予曰未可予有藥各當以贈如上法服之辰巳間下膿如水精者數升即時痛止腫退一月後尚拄拐而行予再以赤烏散令捺貼其膝方愈後十年過毘陵率其子列拜以謝云向脚疾至今不復作雖積年腎藏風并已失去今健步自若矣

欽定四庫全書

類證普濟本事方

治腎藏風上攻下疰生瘡并癰

烏頭圓

川烏二兩 天麻 地龍去土 白附子各半 甘附子一兩

二味以黑豆半升煮透去皮臍切碎日乾

右為細末酒糊丸如梧子大每服二三十丸空心食

前鹽湯下

去風補血益氣壯筋骨強脚力

虎骨酒



熟地黄 <small>兩一</small> 牛膝 石斛 <small>各三</small> 肉蓯蓉 茵芋 附	地黄圓	益氣補血肝元祛風溫壯脚膝	臂腿不知痛孫兆作脚氣與此藥乃愈	少府監韓正彥暴得疾手足不舉諸醫以為風針灸	右以水一大盞煎七分去滓熱服	栝榔末 <small>錢三</small> 生薑 <small>片三</small> 紫蘇 <small>葉七</small> 陳橘 <small>枚三</small>	栝榔湯	欽定四庫全書 類證普濟本事方	治脚氣	三斗密封七日空心晚食溫之隨意飲	虎骨一具及脛骨二莖用酥搽炙黃槌碎同無灰酒	治腰脚疼痛攣急不得屈伸及腿膝冷麻虎骨酒	日婦人去牛膝	右細剉絹袋盛浸酒二斗飲子一盞入一盞可得百	地黃 <small>兩各二</small>	虎脛骨 <small>真者</small> 草薺 仙靈脾 薏苡仁 牛膝 熟
--	-----	--------------	-----------------	----------------------	---------------	--	-----	-------------------	-----	-----------------	----------------------	---------------------	--------	----------------------	-----------------------	---------------------------------------



子	薏苡仁	桂心	防風	川芎	五味子	各半
兩						
右為末煉蜜丸如梧子大每服三四十九丸酒吞下空心食前服						
治肝腎風虛氣弱脚不可踐地腰脊疼痛風毒流注下						
經行止艱難小便餘瀝此藥補五臟內傷調中益精涼						
血堅強筋骨益智輕身耐老						
思仙續斷圓						
欽定四庫全書						
類證普濟本事方						
思仙木	五兩即杜仲也	五加皮	防風	薏苡仁	羌活	
川續斷	牛膝	各三兩	葶藶	生地黃	各五兩	
右細末好酒三升化青鹽三兩用大木瓜半觔去皮						
子以鹽酒煮木瓜成膏和杵丸如梧子大每服三四						
十九空心食前溫酒鹽湯下膏子少益以酒糊						
治兩脚軟弱虛羸無力及小兒不能行						
續骨丹						
天麻	明淨大者酒浸一日	白附子	牛膝	木鱉子	各半	烏



頭 <small>一分</small> 川羌活 地龍 <small>去土一分</small> 的乳 真沒藥 <small>各二錢</small>	硃砂 <small>一錢</small>	右生天南星末一兩無灰酒煮糊丸如雞豆大硃為衣薄荷湯磨一丸食前服	治風氣積滯成脚氣常覺微腫發則痛	茵芋圓	茵芋 <small>炒</small> 郁李仁 <small>一兩</small> 牽牛子 <small>三兩生取末一兩半</small>	右細末煉蜜丸如梧子大每服二十九五更薑棗湯下未知加至三十九日三次為度白粥補	治腰脚走注疼痛此是脚氣	薏苡仁圓	薏苡仁 茵芋 白芍藥 牛膝 川芎 丹參	防風 獨活 <small>各半兩</small> 熟地黄 側子 <small>一個</small> 桂心 橘	紅 <small>各一兩</small>	右細末煉蜜丸如梧子大每服三十九酒下食前日三服木瓜湯下亦可
--	----------------------	--------------------------------	-----------------	-----	---	--------------------------------------	-------------	------	---------------------	--	----------------------	------------------------------



今人謂之脚氣者黃帝所謂緩風溫脾也千金云頑弱名緩風疼痛為溫痺大抵此疾不可以三五便效須久服得力唐張文仲云風有一百二十四種氣有八十種惟脚氣頭風上氣嘗須服藥不絕自餘則隨其發動臨時消息但有風氣之人春末夏初及秋暮得通泄則不困劇所謂泄通者如麻黃牽牛郁李仁之類是已不必苦駛利藥也

治腎虛腰痛

欽定四庫全書

類證普濟本事方

鹿茸丸

鹿茸不拘多少切作片子酥炙黃末之酒糊丸如梧子大空心食前鹽湯下三五十九

治腿腰痛氣滯

藥碁子

牽牛不拘多少用新瓦入火煨得通紅便以牽牛頓在瓦上自然一半生一半熟不得撥動細研取末一兩入硫黃一分同研勻分三分每用白麪一匙水和



類證普濟本事方卷四								欽定四庫全書	類證普濟本事方						痛病源曰腿腰痛者或墮傷腰是以痛	住即已未住隔日再作予嘗有此疾每發一服即止	捍開切作碁子五更初以水一盞煮熟連湯溫送下
-----------	--	--	--	--	--	--	--	--------	---------	--	--	--	--	--	-----------------	----------------------	----------------------



欽定四庫全書

子部

類證普濟本事方卷六五

詳校官 醫院恩糧 臣 孔毓秀

編修 臣 倉聖脈覆勘

總校官 編修 銜 臣 朱 鈐

校對官 中書 臣 李 銘

謄錄 監生 臣 汪 兆 鯤



欽定四庫全書

類證普濟本事方卷五

宋 許叔微 撰

腸風下血痔漏臟毒

治腸風瀉久不止

玉屑散

槐根白皮去粗皮各 苦楝根去皮各 椿根白皮四兩三味於九月後二月

前取軟者日乾 天南星 半夏各半兩 葶靈仙一兩 寒食麵三兩

右為末滴水丸如梧子大乾之每服三十丸水八分

欽定四庫全書

類證普濟本事方

一盞煎沸下丸子煮令浮以匙抄起溫溫送下不嚼

空心食前服

頃年有一人下血幾盈頓然瘦蕭諸藥皆不效予曰

此正腸風令服玉屑丸三服止予苦疾三十年蓄下

血藥方近五十餘品其間或驗或否或始驗而久不

應者或初不效棄之再服有驗者未易立談大抵此

病品類不同對病則易愈如下清血色鮮者腸風也

血濁而色黯者臟毒也肛門射如血線者蟲痔也亦



有一種下部虛陽氣不升血隨氣而降者仲景云脉

弦而大弦則為減大則為芤減則為寒芤則為虛寒

虛相搏此名為革婦人則半產漏下男子則亡血失

精此下部虛而下此者也若得革脉却宜服溫補藥

蟲痔宜薰千金用蠟皮艾者佳予嘗作頗得力

治臟毒

蒜連圓

鷹爪黃連末用獨蒜頭一個煨香爛熟研和入白治

欽定四庫全書

類證普濟本事方

熟如梧子大每服三四十九丸陳米飲下

治腸風臟毒

槐花散

槐花炒 柏葉爛杵 荆芥穗 枳殼

右修事了方秤等分細末用清米飲調下二錢空心食前服

巢氏病源論腸癖為痔久因飽食過度房室勞損血氣

流溢滲入大腸衝發於下時便清血腹中賴痛病名脈

痔又論脾毒腸風本緣榮衛虛弱風氣進襲因熱乘之



使血氣流散積熱壅遏血滲腸間故大便下血

椿皮圓

臭椿花 四兩刮去粗皮焙乾 蒼朮 枳殼 各二兩

右細末醋糊丸如梧子空心食前米飲下三四十丸

治腸痔在腹內有鼠乳下血方

白蕪荑 貫衆 狼牙根 椿東引根 皮白 槐東引

根 皮白 蝟皮 灸焦各一分 雄黃 白鱧頭 一個灸焦

右細末臈月猪脂和一九彈子大綿裹內下部日三易

欽定四庫全書

類證普濟本事方

治痔有鼠乳結核作渴疼痛方

皂角 灸 黃芪 荊芥 槐子 穿山甲 木香 露

蜂房 炒 蝟皮 鱉甲 醋 桔梗 芍藥 各一分 大黃 半兩

右細末煉蜜丸如梧子大每服二三十丸溫湯下食

前日三服未知加至四五十丸

治遠年腸風痔漏

黃芪圓

黃芪 枳殼 葳靈仙 各二兩 續斷 炒 槐角子 枯



<p>礬 當歸<small>炒</small> 乾薑 附子 生地黄 連翹<small>炒各半兩</small></p>	<p>治腸痔</p> <p>右細末煉蜜丸如梧子大米飲下三十圓晁推官方</p>	<p>鱉甲散</p>	<p>鱉甲 蝟皮<small>炙黑</small> 穿山甲<small>炙</small> 白礬<small>枯</small> 附子 猪牙 皂<small>各半兩炙焦</small> 麝香<small>一分研</small> <small>存性二分</small></p>	<p>右細末研勻蒸餅丸如梧子大米飲下二十九食前 日三服</p>	<p>欽定四庫全書 類證普濟本事方</p>	<p>又方</p> <p>槐花<small>炒</small> 白礬<small>枯各一兩</small> 附子<small>半兩</small></p>	<p>右細末蒸餅丸如梧子大每服二十九米飲下食前 日三服以上二方龐老傳</p>	<p>治衄血無時 衄血吐血咯血方</p>	<p>茜草根 艾葉<small>各一兩</small> 烏梅肉<small>焙乾半兩</small></p>
---	--	------------	---	--	--	---	---	---------------------------------------	--



右細末煉蜜丸如梧子大烏梅湯下三十丸	經云天暑地熱經水沸溢蓋血妄行陽勝陰也鞠運	若茂之嘗苦此疾予授此方令服後愈三黃散亦可	三黃散	大黃 黃連 黃芩 <small>各半 兩</small>	右細末每服二錢新水調下蜜水亦可	又方	山梔子不拘多少燒存性末之搗入鼻中立愈	欽定四庫全書 <small>類證普濟本事方</small>	蔡子渥傳云同官無錫監酒趙無疵其兄衄血甚已	死入殮血尚未止偶有一道人過門聞其家哭詢問	其由道人云是曾服丹或燒煉藥予有藥用之即活	囊中出此藥半錢吹入鼻中立止良久得活并傳此	方	治鼻衄過多昏冒欲死 <small>梅師方</small>	右用香墨研濃點入鼻中	潤肺安血止嗽治吐血咯血
-------------------	----------------------	----------------------	-----	-------------------------------------	-----------------	----	--------------------	----------------------------------	----------------------	----------------------	----------------------	----------------------	---	---------------------------------	------------	-------------



天門冬圓

天門冬一兩 甘草 杏仁 貝母 白茯苓 阿膠各半兩

右細末煉蜜丸如彈子嚥津含化日夜服十丸不拘時候
因嗽咯血成勞眼睛疼四肢倦脚無力

黃芪散

黃芪 麥冬熟地 桔梗各半兩 甘草一分 白芍藥半兩

右粗末每服四錢水一盞半薑三片煎七分溫服日三服

治久嗽咯血成肺痿多吐白涎胸膈滿悶不食

欽定四庫全書

類證普濟本事方

扁豆散

白扁豆 生薑各半兩 枇杷葉去毛 半夏 人參 白朮各一分 白茅根三分

右細剉水三升煎至一升去滓下楨榔末一錢和勻
分四服不拘時候

治勞瘵吐血損肺及血妄行

神傳膏

剪草一觔婺台州皆有惟婺州者可用狀如茜草又



<p>如細辛每用一觔淨洗為末入生蜜一觔和為膏以</p>	<p>器盛之不得犯鉄九蒸九晒日一蒸晒病人五更起</p>	<p>面東坐不得語用匙抄藥如粥服每服四匙良以用</p>	<p>稀粟米飲壓之藥冷服粥飲亦不可大熱或吐或下</p>	<p>皆不妨如以病肺損咯血只一服愈尋常咳嗽血妄</p>	<p>行每服一匙可也有一貴人其國封病瘵其尊人嘗</p>	<p>以此方畀之九日而藥成前一日病者夢人戒令翌</p>	<p>日勿令服藥次日將服之為屋土墜器中不可服再</p>	<p>欽定四庫全書 類證普濟本事方</p>	<p>合既成又將服為猫覆器又不得食又再作未就而</p>	<p>是人卒矣此藥之異如此若小血妄行一啜而愈或</p>	<p>云是陸農師夫人鄉人艾字先嘗親說此事渠後作</p>	<p>大觀本草亦收入集中但人苦未識不信耳</p>	<p>眼目頭面口齒鼻舌唇耳諸疾</p>	<p>鎮肝明目</p>	<p>羊肝圓 羯羊肝 一具新瓦盆中焙乾更 焙之肝若大止用一半 甘菊花 羌活 柏子</p>
-----------------------------	-----------------------------	-----------------------------	-----------------------------	-----------------------------	-----------------------------	-----------------------------	-----------------------------	---------------------------	-----------------------------	-----------------------------	-----------------------------	--------------------------	---------------------	-------------	--



丸 右細末煉蜜丸如梧子大空心食前溫水下三四十	又方	白羯羊肝 <small>只用于肝一片薄切新瓦上焙乾</small> 熟地黄 <small>一兩半</small> 兔絲子	澤瀉 地膚子 <small>去殼</small> 防風 黃芩 白茯苓 五味	子 枸杞子 菟蔚子 杏仁 <small>大者炒</small> 細辛 <small>華陰者佳</small>	苦葶藶 桂心 麥箱子 <small>各一兩</small>	欽定四庫全書 類證普濟本事方	右細末煉蜜丸如梧子大每服三四十九丸溫水下日 三服不拘時候	張臺卿嘗苦目暗京師鑿者令灸肝愈遂轉不見物 因得此方服之遂明有一男子內障醫治無效因以 餘劑遺之一夕燈下語其家人曰適偶有所見如隔 門縫見火者及旦視之眼中翳膜且裂如線張云此 藥靈勿妄與人忽之則無驗予隘之且欲廣其傳也	又方
---------------------------	----	--	---------------------------------------	--	-------------------------------	-------------------	---------------------------------	--	----



益血鎮肝明目藥	則自生風熱氣上湊目其昏亦甚不可專服補藥須服	素問云久視傷血血主肝故勤書則傷肝主目昏肝傷	以上細末每服二錢熟水調下食後臨臥	甘菊花 牛蒡子 <small>炒熟各八兩</small> 防風 <small>三兩</small> 白蒺藜 <small>去刺一兩</small> 甘草 <small>一兩半</small>	菊花散	治肝腎風毒熱氣上衝眼痛	無效	欽定四庫全書 類證普濟本事方	有寔者陽也無寔取葉者陰也所以不得真諸藥悉予觀此方取楮葉必無寔者蓋陰陽二物相配匹耳	者餘不堪否則諸藥悉無效合時不得焙及犯鐵器	一服暴赤眼亦治赤眼忌溫熱及酒楮葉須真無寔	右木白中治為末茶清調下二錢早晚食後臨臥各	甘菊花 楮寔 蟬退 木賊 <small>各一分</small>	羌活 川芎 旋覆花 防風 <small>各半兩</small> 甘草 蒼朮 <small>泔浸一夕去皮日乾不見火</small> 楮葉 桑皮 <small>並八月採陰乾秤以上各一兩</small>
---------	-----------------------	-----------------------	------------------	---	-----	-------------	----	-------------------	--	----------------------	----------------------	----------------------	---------------------------------	---



地黃圓

熟地黃一兩
半黃連 決明子各一兩 沒藥 甘菊花

防風 羌活 桂心 光明硃砂各半兩

右細末煉蜜丸如梧子大每服三十九丸熟水下食後

日三服

讀書之苦傷肝損目誠然晉范甯嘗苦目痛就張湛
求方湛戲之曰古方宋陽子少得其術以授魯東門
伯次授左丘明遂世世相傳以及漢杜子貢晉左太

欽定四庫全書

類證普濟本事方

冲凡此諸賢並有目疾得此方云用損讀書一減思
慮二專內視三簡外觀四旦起晚五夜早眠六凡六
物熬以神火下以氣簇蘊於胸中七日然後納諸方
寸修之一時近能數其目睫遠視尺筆之餘長服不
已動見牆壁之外非止明目並可延年審如是而行
之不可謂之嘲戲亦竒方也

治頭風冷淚麗安常二方

甘菊花 決明子各三分 白朮 羌活 川芎



細辛 白芷 荊芥穗 各半

右細末每服一錢滾湯調下食後日三服

又方

川芎 甘菊 細辛 白朮 白芷 各一分

右細末臈丸如黍米大夜臥納一丸目中一時辰換

一丸

荀牧仲頃年嘗謂予曰有人視一物為兩醫者作肝

氣有餘故見一為二教服補肝藥皆不驗此何疾也

欽定四庫全書

類證普濟本事方

予曰孫真人云目之系上屬於腦後出於腦中邪中

於頸因逢身之虛其入深則隨目系於腦入於腦則

轉轉則目系急急則目眩以轉邪中其睛所中者不

相比則睛散睛散則岐故見兩物也令服驅風入腦

藥得愈

王檢正希臯昔患鼻額間痛或麻痺不仁如是者數年

忽一日連口唇頰車髮際皆痛不可忍口難言飲食相妨左

額與頰上常如糊急手觸之則痛予作足陽明經絡受風毒



傳入經絡血凝滯不行故有此證或者以排風小續命透冰丹之類與之皆不效予製犀角升麻湯贈之服數日而愈

犀角升麻湯

上等犀角 一兩 真川升麻 一分 防風 一兩 羌活 各三分

川芎 白附子 甘草 一分 白芷 黃芩 各半兩

右粗末每服四大錢水一盞半煎至八分去滓通口

服食後臨卧日三四服

足陽胃也經云腸胃為市又云陽明多血多氣胃之

欽定四庫全書

類證普濟本事方

中脘羶五味無所不納如市廛無所不有也六經之

中血氣俱多腐熟飲食故食之毒聚於胃故此方以

犀角為主解飲食之毒也陽明經絡環唇挾口超於

鼻交頰中循頰車上耳前過客主人循髮際至額顛

故王公所患皆此一經絡也故以升麻佐之餘藥皆

滌除風熱升麻黃芩專入胃經稍通鑿者自能曉也

治鼻塞清涕出腦冷所致

通草 辛夷 各半兩 細辛 甘遂 桂心 芎藭



附子 各一兩

右細末蜜丸綿裹納鼻中塞密封勿令泄氣丸如大麻子稍加微覺小痛擣姜為丸即愈

此千金方也治腦冷所致此疾亦有舐熱者亦有肺寒者素問云膽移熱於舐則辛額鼻淵又曰泣涕者腦也腦滲為涕又曰肺之液為涕其來各有自矣當審詳之鼻淵者濁涕下不止清濁亦自異

治肺風鼻赤瘡

欽定四庫全書

類證普濟本事方

老山梔為末溶黃蠟等分和為丸彈子大空心茶酒嚼下半月效忌酒炙燂

又方

右用枇杷葉去毛焙乾末之茶調下一二錢日三服治心脾壅熱生木舌腫脹

玄參 升麻 大黃 犀角 各三分 甘草 半兩

右細末每服三錢水一盞煎至五分溫服不拘時候

治口生瘡方



升麻 一兩
一分黃連 三分

右細末綿裹含汁咽

治諸魚骨鯁久不出

右以皂角末少許吹入鼻中得鯁出多秘此方

治懸癰腫痛不下食

玄參散

玄參 一兩 升麻 一兩 射干 各半 大黃末 一兩 甘草 一分

右細末每服三錢水一盞煎七分放溫時時含嚥良驗

欽定四庫全書

類證普濟本事方

治聾耳出膿

紅綿散

白礬煨成白灰每用一錢入胭脂一匙研勻用棉杖

子灑去耳中膿及黃水盡用別棉杖子引藥入耳中

令到底搽之即乾如壯盛之人積熱上攻耳出膿水

不差用無憂散雄黃丸瀉三五行即差

治腎虛耳鳴夜間睡著如打戰鼓覺耳內風吹更四肢抽痛

黃芪圓



類證普濟本事方卷五	右粗末每服三錢水一盞半薑棗烏梅同煎去滓服	分 白茯苓一分 甘草兩半	黃芪 熟地黄 白芍藥 五味子 麥門冬 各三	黃芪湯	治口乾煩躁生津液思食	右粗末每服四錢水盞半煎七分日二三服不拘時候	枳殼 羌活 防風 黃芩 木通 甘草 各兩半	欽定四庫全書 類證普濟本事方	生地黄半兩 桑白皮兩 磁石 搗碎水淘三二十次去盡赤汁為度二兩	地黃圓	中不意則轉覺重虛鳴疼痛	治男子二十歲因瘡毒後腎經熱右耳聽事不真每心中	前煨葱鹽湯下	右細末酒糊丸如梧子大每服三四十九丸空心晚食	附子 大者一個 羯羊腎 一對 焙乾	黃芪 獨莖者去蘆一兩 白蒺藜 炒瓦擦細揚去碎刺 羌活 去蘆各半兩 黑
-----------	----------------------	--------------------	-----------------------	-----	------------	-----------------------	-----------------------	-------------------	--------------------------------	-----	-------------	------------------------	--------	-----------------------	-------------------	------------------------------------



欽定四庫全書

類證普濟本事方卷六

宋 許叔微 撰

諸嗽虛汗消渴

治嗽杏酥飲

杏仁 欵冬花 前胡 半夏製 五味子 麻黃

柴胡 桑白皮 人參 桔梗各等分

右細末每服三錢水一盞半薑五片同煎七分通口服

戢陽氣止盜汗進飲食退經絡熱

欽定四庫全書

類證普濟本事方

柏子仁丸

新柏子仁研 半夏各二兩 牡蠣甘弱子內火煨用醋淬七次焙乾 人

參 麻黃根漫火炙拭去汗 吳白朮 五味子各一兩 淨麩半兩火炒

右為末棗肉丸如梧子大空心米飲下三五十九日

服得效減一服好愈即住作散調亦可

治虛勞盜汗不止

牡蠣散

牡蠣煨 麻黃根 黃耆各等分



右細末每服二錢水一盞煎至七分溫服
治風虛多汗惡風
防風湯
防風 <small>分五</small> 澤瀉 牡礪 <small>炒</small> 桂枝 <small>各三分</small>
右細末每服二錢食後酒調下
又方
白朮 防風 <small>各一兩</small> 牡礪 <small>三分炒如粉</small>
右細末酒調二錢服惡風加防風一倍氣加朮面腫加牡礪
欽定四庫全書
類證普濟本事方
治消渴方
浮石 船上青黛 <small>各等分</small> 麝香 <small>少許</small>
右細末每服一錢溫湯調下
治渴疾飲水不止
神效散
白浮石 蛤粉 蟬殼 <small>各等分</small>
右細末用鯽魚膽七箇調三錢服不拘時候神效古
方驗錄論消渴有三種一者渴而飲水多小便數脂



似麩片甜者消渴病也二者喫食多不甚渴小便少似有油而數者消中病也三者渴飲水不能多便腿腫脚先瘦小陰痿弱小便數此腎消病也特忌房勞千金云消渴病所慎者有三一飲酒二房勞三鹹食及麵能慎此須不服藥亦自可消渴之人愈與未愈常須慮患大癰必於骨節間忽發癰疽而卒予親見友人邵任道患渴數年果以癰疽而死唐祠部李郎中論消渴者腎虛所致每發則小便甜鑿者多不知

欽定四庫全書

類證普濟本事方

其疾故古今亦缺而不言洪範言稼穡作甘以物理推之淋錫醋酒作脯法須臾即皆能甜也足明人食之後滋味皆甜流在膀胱若腰腎氣盛則上蒸精氣氣則下入骨髓其次以為脂膏其次以為血肉也其餘則為小便故小便色黃血之餘也騷氣者五臟之氣鹹潤者則下味也腰腎既虛冷則不能蒸於穀氣則盡下為小便故味甘不變其色清冷則肌膚枯槁也由如乳母穀氣上泄皆為乳汁消渴病者下泄為



小便皆精氣不實於內則小便數瘦弱也又肺為五臟華蓋若下有煖氣蒸則肺潤若下冷極則陽氣不能升故肺乾則渴易於否卦乾上坤下陽無陰而不降陰無陽而不升上下不交故成否也譬如釜中有水以火煖之其釜若以板覆之則煖氣上騰故板能潤也若無火力水氣則不能上此板終不得潤也火力者則是腰腎強盛也常須煖補腎氣飲食得火力則潤上而易消亦免乾渴也故張仲景云宜服腎氣

欽定四庫全書

類證普濟本事方

八味圓此疾與脚氣雖同為腎虛所致其脚氣始發於二三月盛於五六月衰於七八月凡消渴始發於七八月盛於十一月十二月衰於二三月其何故也夫脚氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈也審此二者疾可理也猶如善為政者寬以濟猛猛以濟寬隨事制度爾仲景云足太陽者是膀胱之經也膀胱者腎之府小便數此為氣盛氣盛則消穀大便硬衰



則為消渴也男子消渴飲一斗小便亦得一斗宜
八味腎氣圓

乾地黃半 山藥四 茯苓 牡丹皮

附子 桂心各三 澤瀉四 山茱萸五

右細末煉蜜圓如桐子大酒下二三十圓忌猪肉冷
水羗萸胡荽千金地黃圓亦佳在中部心熱中

治消渴三疝圓

好黃連去鬚細末不計多少剉冬瓜肉研裂自然汁

欽定四庫全書

類證普濟本事方

和成餅子陰乾再為末再用汁浸和如七次即用冬
瓜汁為圓桐子大每服三四十圓以冬瓜汁煎大麥
仁湯送下尋常止一服

金瘡癰疽打撲諸瘡破傷風

治金瘡止血除陰疼痛辟風續筋骨生肌肉

地黃散

地黃苗 地菘 青蒿 蒼耳苗 生艾汁三

赤芍藥 各五兩入 石灰三

水取汁



右五月五七月七午時以前藥汁拌石灰三升陰乾

入黃丹三兩更杵羅細凡有金瘡傷折出血用藥封

包不可動著十日差不腫不膿

斂金瘡口止疼痛

劉寄奴散

劉寄奴一味為末摻金瘡口裏

劉裕微時伐狄見大蛇長數丈射之明日復至聞杵臼聲

見青衣童子搗藥問其故曰我王為劉寄奴所射合藥傳

欽定四庫全書

類證普濟本事方

之帝曰何不殺之曰寄奴王者不死帝叱之皆散收藥而

返遇金瘡傳之良驗此藥治湯火瘡至妙經驗方云劉寄

奴為末先以糯米漿雞翎掃傷著處後摻藥末在上並不

痛無痕大凡湯著急用鹽末摻之護肉不壞然後藥傳之

治從高墮下墜損惡血在骨節間疼痛

芸臺散

荊芥

藕節

各二兩
陰乾

芸臺子

川芎

馬齒莧

各一兩
陰乾

右細末用蘇枋本半兩酒一大盞煎七分調下二錢



治腕折傷筋損骨疼痛不可忍

生地黄 一劬切 藏瓜薑糟 一劬切 生薑 四兩切

右都炒令勻熱以布裹罨傷折處冷則易之

曾有人傷折宜用生龜尋捕一龜將殺患人忽夢見

龜告言曰勿相害吾有竒方可療於夢中授此方

治打撲墜損惡血攻心悶亂疼痛

水仙散

未展荷葉陰乾一味為末食前以童子熱小便一小

欽定四庫全書

類證普濟本事方

盞調下三錢以利下惡物為度一方用大乾荷葉五

片燒令烟盡細研作一服如上服之

長肉止痛生肌

檳榔散

檳榔 黃連 木香 各等分

右為末薄貼瘡上神效

治打撲傷損及一切癰腫未破令內消方

生地黄 研如泥 木香 細末



右以地黃膏隨腫大小攤於紙上摻木香末一層又再攤地黃貼腫上不過三五度即愈

元祐中宗人許元公納省試卷過興國寺橋值微雨地滑墜馬右臂白脫路中一人云急與接入白中血漬白中最難治也僕者如其說神已昏已不覺痛也遂僦卧轎昇去至景德須臾親戚集議所鑿或云非錄事巷田馬騎不能了此疾急鞭馬召至則已日暮矣田秉燭視其面色云尚可治此疾料理費力先議

欽定四庫全書

類證普濟本事方

所耐方敢用藥此公去省試止旬日又是右臂正妨作字今須作兩等商量如旬日內安痊如舊不妨就試作一等價如至期未能就試則減數別作一等價悉如其說遂用藥封其腫黯處云中夜方省達旦已痛止矣翌日至悉去其封藥損處已白其闕血青黯已移在臂白之上矣如是數日易之其腫黯直至肩背於是用藥下之初黑血一二升三五日如舊臂亦不痛遂得赴試可謂妙醫矣元公云若此外方遭此



厄微田生吾終作折臂鬼矣故知墮損手足白脫急
須接入不爾終成蘆節也

宣和中有一國醫忽承快行宣押就一佛刹醫內人
限目今便行鞭馬至則寂未有人須臾卧轎中扶下
一內人又一快行送至奉旨取軍令狀限日下安痊
醫診視之已昏死矣問其從人皆不知病之由惶恐
無地矣良以有三老內人至下轎環而泣之方得
其實云因蹴鞦韆自空而下墜死醫者云打撲傷損

欽定四庫全書

類證普濟本事方

自屬外科欲申明又恐後時參差不測再視之微覺
有氣忽憶藥篋中有蘇合香圓急取半兩於火上焙
去腦麝用酒半升研化灌之至三更方呻吟五更下
惡血數升調理數日得痊予謂正當下蘇合香圓蓋
從高墜下必挾驚悸血氣錯亂此藥非特逐閉血而
又醒氣鑿偶用之遂見功此藥居家不可缺也氣厥
鬼邪 傳屍心痛時疾之類皆治良方載甚詳須自
合為佳爾



<p>王蘧發背方序云元祐三年夏四月官京師疽發於背召國醫治之逾月勢益甚得徐州蕭縣人張生以</p>	<p>艾火加瘡上自旦及暮凡一百五十壯知痛乃已明</p>	<p>日鑷去黑茄膿血盡潰膚理皆紅亦不復痛始別以</p>	<p>藥附之日一易焉易時旋剪去黑爛惡肉月許瘡乃</p>	<p>平是歲秋夏間京師士大夫病疽者七人予獨生此</p>	<p>雖司命事然固有料理不知其方遂至不幸者以人</p>	<p>意論之可為慨然於是撰次前後所得良方摸版以</p>	<p>欽定四庫全書 類證普濟本事方</p>	<p>施庶幾古人濟衆之意紹聖三年三月日題</p>	<p>治諸般癰疽發背</p>	<p>柞木散</p>	<p>柞木葉 <small>四兩 乾</small> 乾荷葉 金嬰根 <small>荳草 也</small> 甘草節 地榆 <small>各一兩</small></p>	<p>右同剉搗為煮散每服半兩水二碗煎至一碗分兩</p>	<p>服早晚各一併滓再煎一服膿血者自乾未成者自</p>	<p>消忌飲食毒</p>	<p>欽瘡內消方</p>
---	-----------------------------	-----------------------------	-----------------------------	-----------------------------	-----------------------------	-----------------------------	---------------------------	--------------------------	----------------	------------	--	-----------------------------	-----------------------------	--------------	--------------



<p>黃明膠一兩水半升消了入黃丹一兩再煮三五沸 又放溫冷以雞毛掃在瘡口上如未成即塗腫處自消 治癰疽上痛拔毒</p>
<p>七寶散</p>
<p>乾荷葉心當中如錢片不計多少為粗末每用三匙 水二碗燉火煎一碗半放溫淋洗揩乾以太白膏傅</p>
<p>沈遇明一方</p>
<p>荷葉一兩藁本半兩為末如前用</p>
<p>欽定四庫全書 類證普濟本事方</p>
<p>太白膏</p>
<p>寒水石水飛過用臘月猪脂調成膏隨瘡大小用 薄紙攤貼之</p>
<p>國老膏</p>
<p>橫紋甘草一觔擘開槌碎用水一斗浸兩宿夏浸 一宿揆細夾絹濾清去滓入銀石器內燉火熬成 膏分作三服每發以溫酒半升調下量年齒老少</p>
<p>分作數服</p>



令發背自潰	黃耆散	綿黃耆 <small>細者洗</small> 焙一兩	甘草 <small>半兩</small>	皂角針 <small>揀紅紫者剉</small>	一兩 <small>炒黃</small>	右細末每服一大錢酒一盞乳香一塊煎至七分去滓服	托裏排膿	生犀散	欽定四庫全書	皂角針 <small>不計多少粗大紫色者</small>	右藏瓶中鹽泥固濟炭火燒過存性放冷出碾為細末每服一錢溫酒微調下暑月用陳米飲下	清心內固	黃耆圓	綿黃耆	人參 <small>各半兩</small>	右細末入真生龍腦一錢研細用生藕汁和圓菘豆大每服三十圓溫熱水下加至四十圓日三服
-------	-----	----------------------------	----------------------	--------------------------	----------------------	------------------------	------	-----	--------	------------------------------	---------------------------------------	------	-----	-----	-----------------------	--



治一切瘡毒

內托散

菘豆粉

一兩
研細

通明乳香

一分
燉火於銀石器
中炒手指攪使乾可

搥急傾出在紙上用
扇扇冷研令極細用

右同研勻凡一切惡瘡應係難名癰腫每用二錢至
三錢食後臨卧濃煎甘草湯調下如打撲及諸般肉
損用溫酒調下食後空心服些小即內消大損則敗
血從大便出矣

欽定四庫全書

類證普濟本事方

治發背癰疽方

車螯殼一兩箇泥固濟火煨為末菘蕒一枚燈心五
十莖蜜一大匙用酒一升煎下三味微熱調末二大
錢服不過二服止痛去毒

治癰疽已有瘡眼未出膿痛不可忍宜用此藥絰即膿
出巴豆一個去皮膜不去心油鹽豉十四個口中含
去皮令軟同研爛入真麝少許如難丸入少稀糊捏
作餅子或如鼠糞尖或圓子臨時看瘡口絰之口以



紙撚子送入藥便不用紙撚子須臾必痛忍之良久
膿遂出

治發背方

草決明生用一升搗碎生甘草一兩亦碎水三升煮
取一升溫分二服大抵血滯則生瘡肝為宿血之藏
而決明和肝氣不損元氣也

治破傷風及打撲傷損

玉真散

欽定四庫全書

天南星 湯洗七次

防風 各等分

類證普濟本事方

右細末如破傷以藥敷貼瘡口然後以溫酒調下一
錢如牙關緊急角弓反張用藥二錢童子小便調下
或因鬪傷相打內有傷損之人以藥二錢溫湯調下
打傷至死但心頭微溫以童子小便調下二錢并三
服可救二人性命

類證普濟本事方卷六



欽定四庫全書

子部
類證普濟本事方卷八

詳校官太醫院恩程臣孔毓秀

編修臣倉聖脈覆勘

總校官中書臣朱 彝

校對官中書臣石鴻緒

謄錄監生臣張 濟



欽定四庫全書

類證普濟本事方卷七 宋 許叔微 撰

諸蟲飛尸鬼疰

制諸蟲方

白蕪荑

檳榔 各一兩

右細末蒸餅丸如桐子大每服十五丸至二十九丸溫

湯下

制諸蟲解勞悅澤肌膚去勞熱

欽定四庫全書

類證普濟本事方

檳榔 一兩半

龍膽 一兩

乾漆 兩半

右細末煉蜜丸如桐子大每服十九至十五丸熟水

吞下

治寸白蟲方

黑鉛灰炒四錢一服先喫猪肉脯少許隔一時即用

砂糖濃水半盞調灰五更服蟲盡下白粥將息一日

良方療寸白用錫沙蕪荑檳榔者極佳

予宣和中每覺心中多嘈雜意謂飲作又疑是蟲漫



依良方所說服翌日下蟲二條一長二尺五寸頭扁
潤尾尖銳每寸作一節班班如錦紋一條皆寸斷矣
千金謂勞則生熱熱則生蟲心蟲曰蛔脾蟲寸白腎
蟲如寸截絲縷肝蟲如爛杏肺蟲如蠶五蟲皆能殺
人惟肺蟲為急肺蟲居肺葉之內蝕人肺系故成癆
疾咯血斷嘶藥所不到治之為難有人說道藏諸蟲
皆頭向下行惟自初一至初五以前頭上行故用藥
者多取月朏以前蓋謂是也

欽定四庫全書

類證普濟本事方

治飛尸者游走皮膚穿臟腑每發刺痛變作無常遁尸
者附骨入肉攻鑿血脈每發不可得近見尸喪聞哀哭
便發風尸者淫濯四肢不知痛之所在每發昏沉得風
雪便作沉尸者纏骨結臟衝心脇每發紋切遇寒冷便
作注尸者舉身沉重精神錯雜常覺昏發每節氣致變
輒成大惡皆宜用此方

忍冬葉剉數斛煮濃取汁煎之丸如雞子大一枚日
三服太一精神丹蘇合香圓治此第一



因喪驚憂悲哀煩惱感尸氣而成諸變動不已似冷似 熱風氣觸則發雄朱散		雄黃	硃砂	桔梗	羌活
當歸	升麻	川烏	龍齒		
犀角	芍藥	鬼箭 <small>炒</small>	白僵蠶 <small>炒</small>		
川芎	南星 <small>炮</small>	山梔子	陳皮		
木香	白朮	龍頸骨 <small>醋炙</small>	紫蘇子		
莽草	枳殼	檳榔 <small>二筒</small>	黃芩 <small>以上各等分</small>		
欽定四庫全書 類證普濟本事方		麻黃	蜈蚣 <small>二條酒炙</small>	乾蝎 <small>炒一分</small>	
右細末每服二錢酒調下日三服 頃在徽城日嘗修合神精丹一料庚申予家一婦人 夢中見二蒼頭一在前一在後手中持一物前者云 到也後者應云到也擊一下爆然有聲遂覺後心 一點痛不可忍昏悶一時許予忽憶神精丹有此一 證取三粒令服之遂至府過廳少頃歸已無病矣云 服藥竟痛止神醒今如常矣日後相識稍有邪氣與					



一二服無不應驗方在千金中治中風之要藥但近世少得青磁石為難合耳

人平居無苦疾忽如死人身不動搖默默不知人目閉不能開口啞不能言或微知人惡聞人聲但如眩冒移時方寤此由出汗過多血少氣併於血陽獨上而不下氣壅塞而不行故身如死氣過血還陰陽復通故移時方寤名曰鬱冒亦名血厥婦人多有之宜白薇湯倉公散

欽定四庫全書

類證普濟本事方

白薇

當歸

各一兩

人參

半兩

甘草

一分

右粗末每服五錢水二盞煎至一盞去滓溫服

倉公散

瓜蒂末

藜蘆

雄黃

礬石

炒

右各等分細末少許吹入鼻中

腹脇疼痛方

治男子兩脇疼痛

枳實散



<p>右細末薑棗湯調下二錢酒亦可食前日三服 治脇肋下痛不美食</p>	<p>葛根湯 葛根 <small>兩半</small> 桔梗 防風 枳殼 白芍藥</p>	<p>甘草 訶子 川芎 白木 <small>各一分</small></p>	<p>右粗末每服四錢水盪半薑棗同煎至七分溫服日四五 治悲哀煩惱傷肝氣至兩脇骨疼筋脈緊急腰脚重滯兩股</p>	<p>筋急兩脇牽痛四肢不能舉漸至脊脊攣急此藥大治脇痛 欽定四庫全書 類證普濟本事方</p>	<p>枳殼散 枳殼 細辛 桔梗 防風</p>	<p>川芎 <small>各四兩</small> 葛根 甘草 <small>二兩</small></p>	<p>右粗末每服四錢水盪半薑三片煎至七分空心 溫服</p>	<p>治脇痛如前兼去手足枯悴</p>	<p>薏苡仁圓 薏苡仁 石斛 <small>用細者三分</small> 附子 <small>兩半</small> 牛膝</p>
---	---	--	--	---	--	--	--	--------------------	---



生地黃 <small>各三分</small>	細辛	人參	枳殼	栝子仁
川芎	當歸 <small>各半兩</small>	甘草	椒仁 <small>各一分</small>	
右細末煉蜜丸如桐子大每服三四十九丸酒吞下空心食前日三服丸子可以食前煮散可以食後相兼服為佳				
治因驚傷肝脇骨裏疼痛不已				
桂枝散				
枳殼 <small>一兩小者</small>	桂枝 <small>半兩</small>			
右細末每服二錢薑棗湯調下				
欽定四庫全書				
類證普濟本事方				
治脇下疼痛不可忍兼治脚弱				
芎藭湯				
川芎	乾葛	桂枝	細辛	
枳殼	人參	芍藥	麻黃	
防風 <small>各半兩</small>	甘草 <small>一分</small>			
右粗末每服五錢水二盞薑三片同煎至七分去滓				
溫服日三服有汗避風				
沈存中良方載頃在建康鑿者王琪言諸氣惟膀胱				



氣脇下痛最難治謂神保圓能治之熙寧中病項筋痛諸醫皆作風治之數月不差乃流入背脊久之又注右臂攣痛甚苦憶琪語有此一證乃合服之一服而差再發又一服差神保圓具本方
治脇下風氣作塊寒疝發則連小腹痛湊心其積屬肝在右脇下故病發則右邊手足頭面昏痛不思飲食止頭冷
乾薑 <small>兩一</small>
麻黃 <small>分三</small>
側子 <small>箇一</small>
川芎
欽定四庫全書 類證普濟本事方
防風
枳實
芍藥
桂枝
羌活
甘草
當歸 <small>各四兩</small>
右粗末每服四錢水一盞半薑三片同煎至七分去滓通口服日三四服有汗避風
雜病
雄黃治瘡瘍尚矣周禮瘍醫凡療瘍以五毒攻之鄭康成注云合醫方合五毒之藥用黃蠶置不膽丹砂雄黃礬石磁石其中燒之三日三夜其烟上者以雞羽取之



以注創惡肉破骨則盡出楊大年常等記其事族人楊
嶠年少時有瘍生於頰連齒輔車外腫若覆甌內潰出
濃血不輒吐之痛楚難忍療之百方彌年不差人語之
依鄭法製藥成注之瘡中少頃朽骨連兩牙潰出遂愈
後更安寧信古方攻病之速也黃螫即瓦合也

崔元亮海上方治一切心痛無問新久以生地黄一味
隨人所食多少搗取汁搜麵作餅飪或作冷淘良久當
利出蟲長一尺許頭似壁宮後不復患劉禹錫傳信方

欽定四庫全書

類證普濟本事方

貞元十年通事舍人崔抗女患心痛垂氣絕遂作地黄
冷淘食之便吐一物可方一寸以來如蝦蟇狀無目足
等微似有口蓋為此物所食自此頓愈麵中忌用鹽
唐峽州王及郎中充西路安撫使判官乘驛入駱谷及
宿有痔疾因此大作其狀如胡瓜貫於腸頭熱如澹灰
火至驛僵仆主驛吏云此病某亦患來須灸即差用柳
枝濃煎湯先洗瘡便以艾注灸其上連灸三五壯忽覺
一道熱氣入腸中因大轉瀉先血後穢一時至痛楚瀉



後遂失胡瓜登驟而馳

服桑枝法桑枝一小升細切炒香以水三大升煎取二升一日服盡無時圖經云桑枝平不冷不熱可以常服療體中風痺乾燥脚氣風氣四肢拘攣上氣眼暈肺氣嗽消食利小便久服輕身聰明耳目令人光澤兼療口乾仙經云一切仙藥不得桑煎不服出抱樸子政和間予嘗病兩臂痛服諸藥不效依此作數劑臂痛甚愈治目方用黃連多矣而羊肝圓尤奇異用黃連末一兩

欽定四庫全書

類證普濟本事方

白羊子肝一具去膜同於砂盆內研令極細衆手為圓如梧子大每服以溫水下三十圓連作五劑但是諸眼目疾及障翳青目皆治忌猪肉冷水唐崔承元者因官治一死囚出活之囚後數年以病自致死一旦崔為內障所苦喪明逾年後半夜嘆息獨坐忽聞階除悉窅之聲崔問為誰徐曰是昔蒙活者囚今故報恩至此遂以此方告之言訖而沒崔依此合服不數月眼復明江左常有商人左膊上有瘡如人面亦無他苦商人戲



滴酒口中其面亦赤色以物食之亦能食食多則覺脾
內肉脹起或不食之則一臂痺有善鑿者教其歷試諸
藥不論草木之類悉試之無苦至貝母其瘡乃聚眉閉
口商人喜曰此瘡可治也因以小葦筒毀其口以藥灌
之數日成痂遂愈然不知何疾也

唐鄭相公予為海南節度七十有五越地卑濕傷於內
外衆疾俱作陽氣衰絕乳石補益之藥一日端不應元
和七年有訶陵國舶主李摩訶獻此方經七八日而覺

欽定四庫全書

類證普濟本事方

應驗自後常服其功神驗十年二月罷郡歸京錄方傳
之其方用破故紙十兩揀洗為末用胡桃肉去皮二十
兩研如泥即入前末更以好蜜煉和勻如飴盛瓷器中
旦日以溫酒化藥一匙服之不飲酒溫熟水化下彌久
則延年益氣悅心明目補添筋骨但禁食芸薹羊血番
人呼為補骨脂圓

江陵府節度使進稀簽方元臣有弟訢年三十一中風
床枕五年百鑿不差有道人鍾針者因覩此患曰可餌



稀莢圓必愈其藥久生沃壤五月間收洗去土摘其葉
及枝頭九蒸九曬不必大燥但取蒸為度杵為末煉蜜
丸如桐子大空心溫酒或米飲下二十九丸至三十九丸所
患忽加不必憂至四十九丸必復如故五十九丸當復丁壯
奉宣府醫院詳錄又知益州張詠進表云臣因換龍興
觀掘得一碑內說修養氣術并藥方二件依方差人訪
問採覓其草頗有異金稜紫線素根紫菱對節而生蜀
號火炊莖葉頗同蒼耳誰知至賤之中乃有殊常之效

欽定四庫全書

類證普濟本事方

臣自喫至百服眼目清明後至千服髭鬚烏黑筋力校
健矣效驗多端臣本州有都押衙羅守一曾因中風墜
馬失音不語臣與十服其病立痊又和尚智嚴年七十
患偏風口眼喎斜時時吐涎臣與十服亦便差今合一
百劑差職員史元素進

唐柳柳州纂救三死方云元和十二年二月得脚氣夜
半痞絕腹有塊大如石且死困塞不知人三日家人號
哭滎陽鄭洵美傳杉木湯服半食頃大下三次氣通塊



散用杉木節一大升桔葉一升無葉以皮代之大腹櫛
榔七箇合子碎之童子小便三大升共煮之一升半分
二服若一服得決利停後服以前三死皆死矣會有教
者皆得不死恐他人不幸有類予病故傳焉

崔給事頃在澤潞與李抱真作判官李相方以毬杖按
毬子其軍將以杖相格承勢不能止因傷李相拇指并
爪甲劈裂遂索金瘡藥裹之強坐頻索酒飲至數杯已
過量而面色愈青忍痛不止有軍吏言取葱新折者便

欽定四庫全書

類證普濟本事方

入澆灰火煨蒸熱剥皮劈開其間有涕取罨損處仍多
煨取續續易熱者凡三易之面色却赤斯須云已不痛
凡十數度易用熱葱併涕裹纏遂畢席笑語

驢尿治反胃外臺載昔幼年曾患此疾每食餅及羹粥
等須臾吐出貞觀中許奉御兄弟及柴蔣等時稱多醫
奉敕令治罄竭其術竟不能治漸至羸憊死在朝夕忽
有一衛士云服驢小便極驗日服二合後食惟吐一半
晡時又服二合人定時食粥吐即便定迄至今日午時



奏知大內中五六人患反胃同服一時俱差此藥稍有
毒服時不可過多盛取及熱服二合病深七日以來服
之良驗

葛洪云鬼疰者是五尸之一疰又挾諸鬼邪為害其病
變動乃有三十六種至九十九種大約使人寒熱淋漓
沉沉默不的知所苦無處不惡累年積月漸就沉滯
以至於死傳與傍人乃至滅門覺如是候者急治獺肝
一具陰乾杵末水服方寸七日三未知再作肘後云此

欽定四庫全書

類證普濟本事方

方神良宣和間天慶觀一法師行考訟極精嚴時一婦
人投狀述患人為崇所附須臾召至附語云非我為禍
別是一鬼亦因病人命衰為崇耳渠今已成形在患人
肺中為蟲食其肺系故令吐血聲嘶師掠之云此蟲還
有畏忌否久而無語再掠之良久云容某說惟畏獺爪
屑為末以酒服之則去疾患家如其言得愈此乃予目
所見也究其患亦相似獺爪者殆獺肝之類歟

類證普濟本事方卷七



欽定四庫全書

類證普濟本事方卷八

宋 許叔微 撰

傷寒時疫

治太陽中風陽脈浮陰脈弱發熱汗出惡寒鼻鳴乾嘔

桂枝湯

今傷風古方
謂之中風

桂枝

芍藥

各一兩半

甘草

一兩炙

右粗末炒五錢水一盞半生薑三片棗一枚同煎至

七分去滓溫服若二三月病溫宜陽且湯

欽定四庫全書

類證普濟本事方

治太陽病頭痛發熱身疼惡風無汗而喘

麻黃湯

麻黃

去節百沸湯煮去
黃汁焙乾一兩半

桂枝

一兩

甘草

半兩

右粗末每服五錢水盞半煎八分溫服加減法並依活人

書仲景論傷寒一則桂枝治中風二則麻黃治傷寒三則

青龍治中風見寒脈傷寒見風脈三者如鼎立人皆能

言之而不曉前人處方用藥之意故多不用也且脈浮

而緩者中風也故嗇嗇惡寒淅淅惡風翕翕發熱



仲景以桂枝對之浮緊而濇者傷寒也故頭痛發熱
身疼腰痛骨節疼痛惡風無汗而喘仲景以麻黃對
之至於中風脈浮緊傷寒脈浮緩仲景皆以青龍對
之何也予常深究三者若證候與脈相對用之無不
應手而愈何以言之風傷衛之氣也寒傷榮之血也
榮行脈中衛行脈外風傷衛則風邪干陽氣陽氣未
固發越而為汗是以自汗而表虛故仲景用桂枝以
發其邪芍藥以治其血蓋中風則病在脈之外其病

欽定四庫全書

類證普濟本事方

稍輕雖同日發汗特解肌之藥耳故仲景於桂枝證
云令半身熱熱微似有汗者佳不可如水淋漓病必
不除是知中風不可大發汗汗過則反動榮血邪氣
乘虛而襲之故病不除也寒傷榮則寒邪入陰血而
榮行脈中者也寒邪居脈中非特榮受病邪自內作
則併與衛氣犯之久則浸淫及骨是以汗不出而熱
齒乾以煩冤仲景以麻黃發其汗又以桂枝甘草助
其發散以滌除內外之邪榮衛之病爾大抵二藥皆



發汗而桂枝則發其衛之邪麻黃併榮衛治之亦自有深淺也何以驗之仲景桂枝第十九證云病常自汗出者此為榮氣和氣和者外不諧以衛氣不共榮氣諧和故爾榮行脈中衛行脈外復發其汗榮衛和則愈宜桂枝湯又第四十七證云發熱汗出者此為榮弱衛強故使汗出欲救邪風宜桂枝湯是知中風汗出者榮和而衛不和又第一卷云寸口脈浮而緊浮者為風緊者為寒風則傷衛寒則傷榮榮衛俱病骨節煩疼當發其汗是知傷寒脈浮緊者榮衛俱病也麻黃湯中併用桂枝此仲景之意也至於青龍雖治傷風見寒脈傷寒見風脈之病然仲景云汗出惡風者不可服之服之厥逆便有筋惕肉瞤之證故青龍一證尤難用須是形證諦當然後可行故王實大
夫證治上用桂枝麻黃各半湯慎之也
桂枝加附子湯
前方桂枝湯內附子半兩如前入薑棗同煎

欽定四庫全書

類證普濟本事方



有一士人得太陽病因發汗汗不止惡風小便澁足 攣曲而不伸予診其脈浮而大浮為風大為虛予曰 在仲景方中有兩證大同而小異一則小便難一則 小便數用藥稍差有千里之失仲景第七證云太陽 病發汗遂漏不止其人惡風小便難四肢微急難以 屈伸者桂枝加附子第十六證云傷寒脈浮自汗出 小便數心煩微惡寒脚攣急反以桂枝湯以攻其表 此誤也閑之便厥咽中乾煩燥吐逆一則漏風小便	
欽定四庫全書 類證普濟本事方	
難一則有汗小便數或惡風或惡寒病各不同也予 用第七證桂枝加附子湯三啜而汗止佐以甘草芍 藥湯足便得伸其第十六證治法見本方	
桂枝加厚樸杏子湯	
桂枝	去皮
芍藥	各一兩
甘草	六錢
厚樸	六錢
杏仁	三錢
右剉如麻豆大炒五大錢水一盞半生薑五片肥棗 二枚劈破同煎至八分溫服覆取微汗	



大柴胡湯	
柴胡 <small>二兩</small>	黃芩
枳實 <small>二枚</small>	芍藥 <small>各三分</small>
大黃 <small>半兩</small>	半夏 <small>六錢</small>
<small>棗共八味今監本無脫之也</small>	
右粗末抄五錢水一盞半薑五片肥棗一枚煎至八分去滓溫服以利為度未利又服	
常記有人病傷寒心燥喜嘔後來寒熱鑿以小柴胡與之不除予曰脈洪大而實熱結在裏小柴胡安能	
不曾用仲景方不知其神捷如是予曰仲景之法豈	
再啜製製微汗至晚身涼而脈已和矣鑿曰某平生	
杏仁湯此仲景之法也指令鑿者急治藥一啜喘定	
予診之曰太陽病下之表未解微喘者桂枝加厚樸	
汗之雜治數日漸覺昏困上喘息高鑿者愴惶失措	
而鬲不利一鑿作傷寒而下之一鑿作解衣中邪而	
得脫乘饑恣食良久解衣捫虱次日遂作傷寒自汗	
戊申正月有一武臣為寇所執置舟中板下數日	
欽定四庫全書	
類證普濟本事方	
誑後人也哉人自寡學無以發明耳	



去之仲景云傷寒十餘日熱結裏復徃來寒熱者與
大柴胡湯三服而病除大黃蕩滌蘊熱傷寒中要藥
王叔和云若不用大黃忍不名大柴胡須是酒洗生
用為有力昔後周姚僧坦名鑿也帝因發熱欲服大
黃藥僧坦曰大黃乃是快藥至尊年高不宜輕用帝
不從服之遂至不起及元帝有疾諸鑿皆謂至尊至
貴不可輕脫宜用平藥僧坦曰脈洪而實必有宿食
不用大黃必無差理元帝從之果下宿食乃愈合用

欽定四庫全書

類證普濟本事方

與不用必心中明得諦當然後可又記有人患傷寒
身熱目痛鼻乾不得卧大便不通尺寸脈俱大已數
日一夕汗出予謂速以大柴胡下之鑿駭曰陽明自
汗津液已滿法當行蜜兌何苦須用大黃藥予謂曰
子只知抱穩若用大柴胡此仲景不傳之妙公安能
知之予力爭竟用大柴胡二服而愈仲景論陽明之
病多汗者急下之人多謂已是自汗若更下之豈不
表裏俱虛又如論少陰云少陰病一二日口乾燥者



急下之人多論病發於陰得之日淺但見乾燥若更下之豈不陰氣愈盛舉斯二者則其他疑惑處不可勝數此仲景之書世人罕讀也予以謂不然仲景稱急下之者亦猶急當救表急當救裏凡稱急者有三處謂纔覺汗多未至津液乾燥便速下之則為徑捷免致用蜜兌也若胸中識得了了方可無疑若未能了了悞用之反不若蜜兌之為穩也

又記一鄉人傷寒身熱大便不通煩渴鬱冒鑿者用

欽定四庫全書

類證普濟本事方

巴豆藥下之乃得澹利病宛然如舊予視之陽明熱結在裏非大柴胡承氣等不可巴豆止去積安能蕩滌邪熱蘊毒耶亟進大柴胡等三服得汗而解常謂仲景百十三方為丸者有五理中陷胸抵黨烏梅麻仁是以理方陷胸抵黨皆用大彈子煮化而服與湯散無異至于麻仁治脾約烏梅治濕蜜皆用小丸以達下部其他逐邪毒破堅癖道閉血潤燥屎之類皆憑湯劑未聞用巴豆小圓藥以下邪氣也既下而病



不除不免重以大黃樸硝下之安能無損也哉
治濕温多汗

白虎加蒼朮湯

知母 六兩 甘草 二兩 石膏 一斤 蒼朮 三兩 粳米 三兩

右剉如麻豆大每服四大錢水一盞半煎至八分去滓取六分清汁温服

癸丑年故人王 闕 季夏得疾胸項多

汗而足逆冷 語鑿者不曉雜進藥已經旬日子予診

欽定四庫全書

類證普濟本事方

之其脈關前濡關後數予曰當作濕温治蓋先受暑後受濕暑濕相搏是名濕温先以白虎加人參湯次以白虎加蒼朮湯頭痛漸退足漸温汗漸止三日愈此病名賊邪也誤用藥有死之理有鑿難曰何名賊邪予曰難經論五邪有實邪虛邪正邪微邪賊邪從後來者為虛邪從前來者為實邪從所不勝者為賊邪從所勝者為微邪自病者為正邪又曰假令心病中暑為正邪中濕得之為賊邪今心先受暑而濕邪



勝之水尅火從所不勝斯謂之賊邪五邪之中最逆也難經又云濕溫之脈陽濡而弱陰小而急濡弱見於陽部濕氣搏暑也小急見於陰部暑氣蒸濕也故經曰暑濕相搏名曰濕溫是謂賊邪也不特此也予素有停飲之疾每至暑月兩足汗褻褻未嘗乾每服此藥二三盞即便愈

黃耆建中加當歸湯

黃耆 當歸 各一兩半
白芍藥 三兩
桂 一分

欽定四庫全書

類證普濟本事方

甘草 一兩

右粗末每服五錢生薑三片棗一枚水一盞半同煎至八分去滓取七分清汁日三服夜二服尺脈尚遲再作一劑

昔有鄉人邱生者病傷寒予為軫視發熱頭疼煩渴脈雖浮數而無力尺以下遲而弱予曰雖麻黃證而尺遲弱仲景云尺中遲者榮氣不足血氣微少未可發汗予於建中湯加當歸黃耆令飲翌日脈尚爾其



家煎迫日夜督發汗藥去幾不遜矣予忍之但只用
建中調榮而已至五日尺部方應遂投麻黃湯啜第
二服發狂須臾稍定略睡已中汗矣信知此事是難
是難仲景雖云不避晨夜即宜便治鑿者亦須顧其
表裏虛實待其時日若不循次第暫時得安虧損五
臟以促壽限何足貴也南史記范雲初為陳武帝屬
官武帝有九錫之命在旦夕矣雲忽感傷寒之疾恐
不得與慶事召徐文伯診視以實懇之曰可便得愈

欽定四庫全書

類證普濟本事方

乎文伯曰便差甚易只恐二年後不復起耳雲曰朝
聞道夕死猶可况二年乎文伯以火燒地布楮葉設
席置雲於上頃刻汗解裹以溫粉翌日愈雲甚喜文
伯曰不足喜也後二年果卒夫取汗先期尚促壽限
况不顧表裏不待時日便欲速效乎每見病家不耐
病未三四日晝夜促汗鑿者隨情順意鮮不敗事故
予書此為鑿者之戒

蜜兌法



必用方中製度甚詳

有一士人家病二人皆旬日矣一則身熱發汗大便不通小便如經神昏如睡診其脈長而大虛予用承氣湯下之而愈一則陽明自汗大便不通小便利津少口乾燥其脈亦大而虛予作蜜兌三易之下燥屎得澹利而解其家問曰皆陽明大便不通何治之異予曰二陽雖相似然自汗小便利者不可蕩滌五臟為無津液也然則傷寒大證相似與證稍有不可要

欽定四庫全書

類證普濟本事方

在變通仔細斟酌正如格局看命維年月日時皆同而貴賤窮通不相侔者於一時之中又有淺深故此不可不謹

治陰中伏陽

破陰丹

硫黃 水銀 各一兩
陳皮 青皮 去白各半兩末

右先將硫黃銚子內鎔次下水銀用鐵杖子打勻令無星傾入黑茶盞內研細入二味勻研用厚麩糊圓如桐



子大每服三十圓如煩燥冷鹽湯下陰證令艾湯下	頃年鄉人李信道得疾六脈沉不見深按至骨則弱	緊有力頭疼身温煩燥指末背冷中滿惡心更兩鬢	矣鑿者不識止供調氣藥予因診視曰此陰中伏陽	也仲景法中無此證世人患此者多若用熱藥以助	之則為陰邪隔絕不能導引真陽返生客熱用冷藥	則所伏真火愈見消鑠須用破散陰氣導達真火之	藥使火升水降然後得汗而解予授此藥二百粒作	欽定四庫全書	一服冷鹽湯下不半時煩燥狂熱手足燥擾其家大	驚予曰俗所謂換陽也須臾稍定略睡已中汗自昏	達旦方止身涼而病除	治婦人室女傷寒發熱或發寒熱經水適來或適斷晝	則明了夜則諺語如見鬼狀亦治產後惡露方來忽爾斷絕	小柴胡加地黃湯	柴胡 一兩 一分 人參 半夏 湯洗 七次 黃芩	甘草 生地黃 各半 兩
----------------------	----------------------	----------------------	----------------------	----------------------	----------------------	----------------------	----------------------	--------	----------------------	----------------------	-----------	-----------------------	-------------------------	---------	-------------------------------	----------------



右粗末每用五錢水二盞生薑五片棗二枚同煎至
八分去滓溫服

辛亥中寓居毘陵學官王仲禮其妹病傷寒發寒熱
遇夜則如有鬼物所憑六七日忽昏塞涎响如引鋸
牙關緊急瞑目不知人疾熱極危召予視予曰得病
之初曾值月經來否其家云月經方來病作而經遂
止得一二日發寒熱晝雖靜夜則有鬼崇從昨日來
涎生不省人事予曰此熱入血室證也仲景云婦人

欽定四庫全書

類證普濟本事方

中風發熱惡寒月經適來晝則明了暮則譫語如見
鬼狀發作有時此名熱入血室證者不曉以剛劑與
之遂致胸膈不利涎潮上管喘急急息高昏冒不知人
先當化其涎後當除其熱予急以一呷散投之兩時
須涎下得睡省人事次授以小柴胡加地黃湯三服
而熱陰不汗而自解矣

又記一婦人患熱入血室證醫者不識用補血調氣
藥函養數日遂成血結胸或勸用前藥予曰小柴胡



<p>用已遲不可行也無已則有一焉刺期門穴斯可矣 予不能針請善針者而治之如言而愈或者問曰熱</p>	<p>入血室何為而成結胸也予曰邪氣傳入經絡與正 氣相搏上下流行或遇經水適來適斷邪氣乘虛而</p>	<p>入血室血為邪迫上入肝經肝受邪則譫言而見鬼 復入膽中則血結於胸也何以言之婦人平居水當</p>	<p>養於木血當養於肝也方未受孕則下行之以為月 既妊娠則中畜之以養胎及已產則上壅之以為乳</p>	<p>欽定四庫全書 類證普濟本事方</p>	<p>皆血也今邪逐血併歸肝經聚於膽中結於乳下故 手觸之則痛非湯劑可及故當刺期門也活人海蛤 散治結胸今具於後</p>	<p>婦人傷寒血結胸鬲揉而痛不可撫近</p>	<p>海蛤散</p>	<p>海蛤 滑石 甘草 各一兩 芒硝 半兩</p>	<p>右為末每服二錢雞子清調下</p>	<p>小腸通利則胸隔血散膽中血聚則小腸壅小腸壅膽中</p>
--	--	--	--	---------------------------	---	------------------------	------------	-------------------------------	---------------------	-------------------------------



血不流行宜此方小便血數行更宜桂枝紅花湯發其汗
則愈活人書云此方疑非仲景然其言須有理姑存之
治太陽病汗過不解頭眩筋惕肉瞤

真武湯

茯苓 芍藥 各三分
附子 一枚
白朮 半兩
法從本方

右粗末抄五錢生薑五片水一盞半煎八分去滓溫

服日三服

鄉里有姓京者以鬻純為業子年三十初得病身微

欽定四庫全書

類證普濟本事方

汗脈弱惡風鑿以麻黃藥與之汗遂不止發熱心多

驚悸夜不得眠謔語不識人筋惕肉瞤振動搖鑿

者又進驚風藥予曰強汗之過也仲景云脈微弱汗

出惡風不可服青龍湯服之則筋惕肉瞤此為逆也

惟真武湯可救進此三服優似清心圓竹葉湯數日

遂愈

白虎加人參湯

方在活人書第六十五證



有人病初嘔吐俄為鑿者下之已七八日而內外發熱予診之曰當用白虎加人參湯或曰既吐復下且重虛矣白虎可用乎予曰仲景云若吐下後七八日不解熱結在裏表裏俱熱者白虎加人參湯此正相當也蓋始吐者熱在胃腕而脈至今虛虛大三投湯而愈仲景既稱傷寒若吐下後七八日不解熱結在裏表裏俱熱者白虎加人參湯主之又云傷寒脈浮發熱無汗其表不解不可與白虎湯又云脈浮滑此

欽定四庫全書

類證普濟本事方

以表有熱裏有寒白虎湯主之國朝林億校正謂仲景於此表裏自差矣予謂不然大抵白虎能除傷寒中暍表裏發熱故後二證或云表裏俱熱或云表熱裏寒皆可服之中有一種脈浮無汗其表不解全是麻黃與葛根證安可用白虎也林但見所稱表裏不同便謂之差悞是亦不思之過也

治傷寒汗後吃噎

肉荳蔻湯



肉荳蔻 <small>一筒</small> 石連肉 <small>炒</small> 茴香 <small>各一分</small> 丁香 <small>半</small> 人參 <small>兩半</small>
枇杷葉 <small>五片</small> 去毛炙
右剉細末用水四盞薑十片煎二盞去滓空心溫分二服
良薑湯
桔皮 良薑 桂枝 當歸 <small>各一分</small>
麻黃 <small>兩半</small> 杏仁 <small>二十箇</small> 甘草 <small>一分</small> 檳榔 <small>三箇別末</small>
右粗末用水四盞薑十片棗三枚同煎至二分去滓
下檳榔末更煎三沸通口服一盞未已再作一盞
欽定四庫全書 類證普濟本事方
老云傷寒吃噫不止是陰陽氣升降欲作汗升之不止故胃氣上逆為吃噫無休止宜此方
又方
枳殼 <small>兩半</small> 木香 <small>一錢</small>
右細末每服一錢白湯調下未知再與
治傷寒衄血
滑石湯
滑石末不以多少飯圓如桐子大每服十圓微嚼破新



水嚥下立止只用藥末一大錢飯少許同嚼下亦得
湯晦叔云鼻衄者當汗不汗所致其血青黑時不以
多少乃得止且溫服和藥以調其榮衛纔見血鮮急
以此藥止之

桂枝湯方在前

有人病發熱惡寒自汗脈浮而微弱三服湯而愈此
方在仲景一百十三方內獨冠其首今人全不用何
哉仲景云太陽中風陽浮而陰弱陽浮者熱自發陰

欽定四庫全書

類證普濟本事方

弱者汗自出嗇嗇惡風淅淅惡寒翕翕發熱宜桂枝
湯此脈與證仲景說得甚分明止是人看不透所以
不敢用仲景云假令寸口脈微名曰陽不足陰氣上
入陽中則灑淅惡寒也尺脈弱名曰陰不足陽氣下
陷入陰中則發熱也此謂元受病不然也又曰陽微
則惡寒陰弱則發熱鑿發其汗使陽氣微又大下之
令陰氣弱此謂鑿所病而然也大抵陰不足陽往從
之故內陷而發熱陽不足陰往乘之故陰上入陽中



則惡寒舉此二端明白如何憚而不行桂枝哉

治胃中有熱有濕有宿穀相搏發黃

茵陳蒿湯

茵陳蒿 嫩者一兩半 大黃 三分 梔子 小者十枚

右粗末每服一錢水盞半煎八分調五苓散二錢服以知為度

治頭中寒濕發黃疸

瓜蒂散

瓜蒂 二七 赤小豆 各二 秫米 七粒

欽定四庫全書

類證普濟本事方

右細末如大豆一枚納鼻中縮令入當出黃水慎不可吹入

庚戌年避地維揚界有一家病傷寒七八日身體洞

黃鼻目皆病兩髀及項頭腰脊強急大便澀小便如

金子曰脈緊且數脾元受濕暑熱蘊蓄於太陽之經

宿穀相搏鬱蒸而不得散故使頭面有汗至頸以下

無之若鼻中氣冷寸口近掌無脈則不療急用茵陳

湯調調五苓散與之數服差

又記一家病身體痛面黃喘滿頭痛自能飲食大小



便如常予診之脈大而虛鼻塞且煩予曰非濕熱宿
穀相搏此乃頭中寒濕茵陳五苓不可行也仲景云
濕家病身疼痛發熱而黃而喘頭痛鼻塞而煩其脈
大能自飲食中和無病病在頭中寒濕故鼻塞納藥
鼻中則愈仲景无藥方此方見外臺刪繁證云治天
行熱蓋通貫臟腑沉鼓骨髓之間或為黃疸宜瓜蒂
散蓋此方也

又記一舟稍病傷寒發黃鼻中酸痛身與目如金小

欽定四庫全書

類證普濟本事方

便赤而數大便如經或者欲行茵陳五苓予曰非其
治也小便和大便如常知病不在臟腑今眼睛疼鼻
頰痛是病在清道中清道者華蓋肺之經也若下大
黃則必腹脹為逆亦用瓜蒂散先食水次搐鼻中黃
水盡乃愈

類證普濟本事方卷八



欽定四庫全書

子部
類證普濟本事方卷十九

詳校官太醫院恩糧臣孔毓秀
編修臣倉聖脈覆勛

總校官中書臣朱 鈔
校對官中書臣石鴻壽
謄錄監生臣張 濤



欽定四庫全書

類證普濟本事方卷九

宋 許叔微 撰

傷寒

治結胸發熱灸法

巴豆 十四枚
黃連 七寸連皮用

右搗細津和成膏填入臍心灸其上不拘壯數腹中有聲病去為度灸了便以溫湯浸手帕拭之恐生瘡也

治傷寒發狂或棄奔走踰牆上屋

欽定四庫全書

類證普濟本事方

鵲石散

黃連 寒水石 各等分

右細末每服二錢濃煎甘草湯放冷調服

桂枝蘇黃各半湯在前

常記一親戚病傷寒身熱頭疼無汗大便不通已四

五日子訊問之見醫者治大黃樸硝等欲下之予曰

子姑少待予為視之脈浮緩臥密室中自稱其惡風

予曰表證如此雖大便不通數日腹亦不脹別無所



<p>苦何遽便下大抵仲景法須表證罷方可下不爾邪</p>	<p>乘虛而入不為結胸必為熱痢也予作桂枝麻黃各</p>	<p>半湯繼之以小柴胡褻褻汗出大便亦通而解仲景</p>	<p>云凡傷寒之病多從風寒得之始表中風寒之裏則</p>	<p>不消矣擬欲攻之當先解表乃可下之若表已解而</p>	<p>內不消大滿大堅實有燥屎自可徐下之雖四五日</p>	<p>不能為禍也若不宜下而便攻之內虛熱入脇熱遂</p>	<p>利煩燥之變不可勝數輕者困篤重者必死矣</p>	<p><small>原本正文</small></p>	<p>欽定四庫全書 <small>類證普濟本事方</small></p>	<p><small>重疊難曉予刪正</small> 此段其理甚明 大抵風寒入裏不消必有燥屎或</p>	<p>大便堅秘須是脈不浮不惡風表證罷乃可下大便</p>	<p>不通雖四五日不能為害若不顧表而便下遂為脇</p>	<p>熱痢也</p>	<p>治闕血抵黨圓</p>	<p>水蛭 <small>五枚 炙</small> 蟪虫 <small>去翅足 五枚 炒</small> 桃仁 <small>六枚</small></p>	<p>大黃 <small>三分 去皮</small></p>	<p>右為末煉蜜和作一圓以水一盞煎至七分頓服醉</p>
-----------------------------	-----------------------------	-----------------------------	-----------------------------	-----------------------------	-----------------------------	-----------------------------	---------------------------	----------------------------	--	--	-----------------------------	-----------------------------	------------	---------------	---	--------------------------------	-----------------------------



時當下血不下再作之

有人病傷寒七八日脈微而沉身黃發狂小腹脹滿
臍下冷小便利予曰仲景云太陽病身黃脈沉結小
腹硬小便不利者為無血也小便自利其人如狂者
血證諦也投以抵黨圓下黑血數升狂止得汗解經
云血在上則忘在下則狂大腸膀胱隨經而畜於膀
胱故臍下膨脹由閘門滲入大腸若大便黑者此其
證也

欽定四庫全書

類證普濟本事方

破陰丹方在前

有人初得病四肢逆冷臍下築痛身疼如被杖蓋陰
證也急服破陰金液來復等丹其脈遂沉而滑沉者
陰也滑者陽也病雖陰而見陽脈有可生之理仲景
所謂陰病見陽脈者生也仍灸氣海丹田百壯手足
溫陽回得汗而解或問滑浮之狀如何便有生理予
曰仲景云翕奄沉名曰何謂也沉為純陰翕為正陽
陰陽和合故名曰滑古人論滑脈雖云往來前却流



利庶轉替替然與數相似仲景三語而足也此三字
極難曉翁合也言張而復合也故曰翁為正陽沉言
忽降而下也故曰沉為正陰方翁而合俄降而下奄
謂奄忽之間仲景論滑脈可謂諦當矣然其言皆有
法故讀書難曉

治傷寒汗後脾胃傷冷物胸膈不快尋常血氣不和宜
補脾湯

人參 乾薑 白朮 甘草

欽定四庫全書

類證普濟本事方

陳桔皮

去白

青桔皮

去白各等分

右細末每服三錢水一盞煎數沸熱服入鹽點亦得
又記有人患傷寒得汗數日忽身熱自汗脈弦數心
不得寧真勞復也予診曰勞心之所致神之所舍未
復其初而又勞傷其神榮衛失度當補其子益其脾
解發其勞庶幾得愈授以補脾湯佐以小柴胡得解
或者難曰虛則補其母今補其子何也予曰子不知
虛勞之異乎難經曰虛則補其母實則瀉其子此虛



當補其母人所共知也千金曰心勞甚者補脾氣以益之脾王則感於心矣此勞則當補其子人所未聞也蓋母生我者也子繼我而助我者也方治其虛則補其生我者與錦囊所謂本骸得氣遺體受蔭同義方治其勞則補其助我者與荀子所謂未有子富而父貧同義此治虛與勞所以異也

治中暍白虎湯方在本論中

有人頭疼身熱心煩燥渴診其脈大而虛予授以白

欽定四庫全書

類證普濟本事方

虎湯數服愈仲景云脈虛身熱得之傷暑又云其脈弦細芤遲何也素問云寒傷形熱傷氣蓋傷氣不傷形則氣消而脈虛弱所謂弦細芤遲者皆虛脈也仲景以弦為陰朱肱亦云仲景脈微弱則皆虛脈可知麻黃湯方在前

有人病傷寒身熱頭痛予診之曰邪在表此表實證也當汗之以麻黃湯或人問曰傷寒大抵因虛故邪得以入之今邪在表何以云表實也予曰古人稱邪



欽定四庫全書		類證普濟本事方	
之所湊其氣必虛留而不去其病則實蓋邪之入人也始因虛及邪居中則反為實矣大抵調治傷寒先要明表裏虛實能明此四字則仲景三百九十七法可坐而定也何以言之有表實有表虛有裏實有裏虛有表裏俱實有表裏俱虛予於表裏虛實歌中常論其事矣仲景麻黃湯之類為表實而設也桂枝湯之類為表虛而設也若裏實則承氣之類是也裏虛則四逆之類是也表裏俱實所謂陽盛陰虛下之則愈也表裏俱虛所謂陽虛陰盛汗之則愈也常讀華佗傳有府吏倪尋李延共止俱頭痛身熱所苦正同佗曰尋當下之延當發汗或難其異佗曰尋外實延內實故治之異			
小柴胡湯			
柴胡	二兩	黃芩	人參
半夏	六錢一字	甘草	各三分
右粗末每服五錢水一盞半生薑五片棗二枚同煎			



至八分去滓溫日三服加減法活人書所載甚詳記
有人患傷寒五六日頭汗自出頭以下無汗手足冷
心下痞悶大便秘結或者見四肢冷又汗出滿悶以
為陰證予診其脈沉而緊予曰此證誠可疑然大便
結非虛結也安得為陰脈雖沉緊為少陰證多是自
利未有秘結者予謂此正半在表半在裏投以小柴
胡得愈仲景稱傷寒五六日頭汗出微惡寒手足冷
心下滿口不欲食大便秘脈細者此為陽微結必有

欽定四庫全書

類證普濟本事方

表復有裏脈沉亦在裏也汗出為陽微假令純陰結
不得復有外症悉入在裏此為半在外半在裏也脈
雖沉緊不得為少陰所以然者陰不得有汗今頭汗
出故知非少陰也可與小柴胡湯設不了了者得屎
而解此疾症候同故得屎而解也有人難曰仲景云
病人脈陰陽俱緊反汗者正陽也此屬少陰今云陰
不得有汗何也今頭汗出者故知非少陰何以頭汗
出便知非少陰症予曰此一段正是仲景議論處意



謂四肢冷脈沉緊腹滿全似少陰然大便硬頭汗出
不得為少陰蓋頭者三陽同聚若三陰止胸而還有
頭汗出自是陽虛故曰汗出為陽微是陰不得有汗
也若少陰頭有汗則死矣故仲景平脈法云心者火
也名少陰其頭無汗者可治有汗者死心為手少陰
腎為足少陰相與為上下惟以意逆者斯可得之
治太陽陽明合病麻黃湯方在前

有人病傷寒脈浮而長喘而胸滿身熱頭痛腰脊強

欽定四庫全書

類證普濟本事方

鼻乾不得眠予曰太陽陽明今病症仲景法中有三
證下利者葛根湯不下利嘔逆者加半夏喘而胸滿
者麻黃湯也治以麻黃得解有人問傷寒傳入之序
自太陽陽明少陽太陰少陰厥陰所傳有次第何哉
予曰仲景本論無說古今亦無言者惟龐安常謂陽
主生故太陽水傳足陽明土土傳足少陰木為微邪
陰主殺故足少陽木傳足太陰土土傳足少陰水水
傳足厥陰木為賊邪予以為不然足少陰水傳厥陰



木安得為賊邪蓋牽張傳會失之穿鑿何不觀素問
陰陽離合論云太陽根起於至陰名曰陰中之陽陽
明根起於厲兌名曰陰中之陽少陽根起於竅陰名
曰陰中之少陽太陽根起於陰白名曰陰中之太陰
少陰根起於湧泉名曰陰中之少陰厥陰根起於大
敦名曰陰中之絕陰故其次序正與此合大抵傷寒
始因中風寒得之於陰是以止傳足經者皆陰中之
陽陰中之陰也不特此也以六氣在天者考之厥陰

欽定四庫全書

類證普濟本事方

為初之氣少陰為二之氣太陰為三之氣少陽為四
之氣陽明為五之氣太陽為終之氣此順也逆而言
之太陽而後陽明陽明而後少陽少陽而後太陰太
陰而後少陰少陰而後厥陰傷寒為病逆而非順故
以是為序也

小承氣湯方具仲景本論

有人病傷寒八九日身熱無汗時時譫語時因下利
大便不通三日矣非煩非燥非寒非痛終夜不得卧



但心中無曉會處或時發一聲如嘆息之狀鑿者不
曉是何症予診之曰此懊懷怫鬱二症俱作也胃中
有燥屎承氣湯下燥屎二十餘枚得利而解張仲景
云陽明病下之心下懊懷微煩畏中有燥屎者可攻
又云病者小便不利大便乍難乍易時有微熱怫鬱
不得卧者有燥屎也承氣湯主之素問云胃不和則
卧不安此夜所以不得眠也仲景云胃中燥大便堅
者必譫語此所以有時發譫語也非燥非煩非寒非

欽定四庫全書

類證普濟本事方

痛所謂心中懊懷也聲如嘆息而時發一聲所謂外
氣怫鬱也燥屎得除大便通利胃中安和故其痛悉
去也又有人病傷寒大便不利日脯發潮熱手循衣
縫兩手撮空直視喘急更數鑿矣見之皆走予曰此
誠惡候得此者十中九死仲景雖有證而無治法但
云脈弦者生澀者死今已經吐下難於用藥謾且救
之若大便秘通而脈弦者庶幾可治也與小承氣湯
一服而大便利諸疾漸退脈且微弦半月愈或人問



曰下之而脈弦者生此何意也予曰金匱玉函云循
衣妄撮怵惕不安微喘直視脈弦者生澁者死微者
但發熱譫語承氣湯主之予嘗觀錢仲陽小兒直訣
六手循衣領及捻物者肝熱也此症在玉函列於陽
明部蓋陽明胃也肝有熱邪淫於胃經故以承氣瀉
之且得弦脈則肝平而胃不受尅此所以有生之理
讀仲景論不能博通諸鑿書以發明其隱奧崑守一
書者吾未見其能也

欽定四庫全書

類證普濟本事方

又記有人病傷寒下利身熱神昏多困譫語不得眠
或者見下利便以譫語為鄭聲為陰虛證予曰此小
承氣症衆駭曰下利而服小承氣仲景之法乎予曰
此仲景之法也仲景云下利而譫語者有燥屎也屬
小承氣湯而得解予嘗讀素問云微者逆之甚者從
之逆者正治從者反治從少從多觀其事也帝曰何
謂反治岐伯曰寒因寒用通因通用王水注云大熱
內結注瀉不止熱宜寒療結復須除以寒下之結散



利止則寒因寒用也正合於此
治項背強

葛根湯

葛根一兩 麻黃三分 桂枝 甘草 芍藥各半兩

右粗末每服五錢水一盞半煎至八分去滓溫服覆汗為度

有人患傷寒無汗惡風項既屈而且強予曰項強兀兀葛根湯症或人問曰何謂兀兀予曰兀兀者如兀

欽定四庫全書

類證普濟本事方

足疾屈而強也謝復古謂病人羸弱須憑兀而起誤也蓋仲景論中極有難曉處振振欲擗地心中懊懣外氣怫鬱冒不仁膈內拒痛如此之類甚多

熙寧中邦守宋迪因其猶子感傷寒之初不能辨其病症見其煩渴而汗多以涼藥解治之至於再三遂成陰毒六日卒乃痛悼之遂著陰毒形症訣三篇始得陰毒

陰毒本因腎氣虛寒因慾事或食冷物後傷風內既



伏陰外又感寒或先感外寒而伏內陰內外皆陰則	陽氣不守遂頭痛腰重腹痛眼睛疼身體倦怠而不	甚熱四肢逆冷額上及手背冷汗不止或多煩渴精	神恍惚如有所失二三日間或可起行不甚覺重診	之則六脈俱沉細而疾尺部短小寸口或大 <small>六脈俱</small>	<small>沉取之大而不甚</small> 疾者非陰症也	若服涼藥過多則渴轉甚燥轉急	有此病症者急服還陽退陰二藥即安惟補氣和氣	而已宜服正元散退陰散五勝散 <small>陰症不宜發汗如</small>	<small>氣正脈大身熱而</small>	欽定四庫全書	類證普濟本事方	未差用藥	出汗無妨	正元散治傷寒如覺傷寒吹著四肢頭目百骨節疼痛	急煎此藥服如人行五里再服或連進三服出汗立差	若患陰毒傷寒入退陽散半錢同煎或傷冷傷食頭昏	氣滿及心腹諸疾服之無有不見效	麻黃 <small>去節</small>	陳皮	大黃 <small>生</small>	甘草	乾薑	肉桂	芍藥	附子	茺莢	半夏 <small>洗各等分</small>	茺莢
----------------------	----------------------	----------------------	----------------------	--------------------------------------	-------------------------------	---------------	----------------------	--------------------------------------	------------------------	--------	---------	------	------	-----------------------	-----------------------	-----------------------	----------------	----------------------	----	---------------------	----	----	----	----	----	----	------------------------	----



右麻黃加一半茱萸減一半同為末每服一大錢水 一盞生薑三片棗一枚煎至七分熱呷如出汗以衣 被蓋覆切須候汗乾去衣被如是陰毒不可用麻黃 免更汗出
退陰散治陰毒傷寒手足逆冷脈沈細頭痛腰重連進 三服小小傷冷每服一字入正元散內同煎入鹽一捻 陰毒傷寒效逆煎一服細細熱呷便止
川烏 乾薑 各等分
欽定四庫全書 類證普濟本事方
右為粗末炒令轉色放冷再搗為細末每服一錢水 一盞鹽一捻煎半盞去滓溫服
五勝散治傷寒頭痛壯熱骨節疼痛昏沈困倦效嗽鼻 塞不思飲食兼治傷寒夾冷氣併慢陰毒神效方
白朮 甘草 五味子 石膏 各四兩
乾薑 三兩半
右為末每服二錢水八分入鹽少許同煎至六分通 口服如冷氣相夾入薑棗煎或治陰毒病入艾少許



同煎

陰毒漸深候

積陰感於下則微陽消於上故其候沈重四肢逆冷
腹痛轉甚或咽喉不利或心下脹滿結硬燥渴虛汗
不止或時狂言指甲白色青黑六脈沈細而一應七
至以來有此症者速宜於氣海或開元二穴灸三二
百壯以手足和煖為效仍服金液丹來甦丹玉女散
還陽散退陰散

欽定四庫全書

類證普濟本事方

玉女散治陰毒氣攻上腹痛四肢逆冷惡候並治之

川烏去皮臍冷水浸七日後薄切曝乾紙袋盛有患
者取碾末一大錢入鹽一小錢水一盞半煎至七分
通口服壓下陰毒所注如猪血相似未已良久再進
一服

還陽散治陰毒面色青四肢逆冷心燥腹痛

用硫黃末新汲水調下二錢良久或寒一起或熱一
起更看緊慢再服汗出差



陰毒沈困候

沈困之候與前漸深之候皆同而更加困重六脈附骨取之方有按之即無一息八至已上或不可數也至此則藥餌難為工矣但於臍中灼艾如半棗大三百壯以來手足不和緩者不可治也偶復和緩則以前硫黃及熱藥助之若陰氣散陽氣來即漸減熱藥而和治之以取差也

辨少陰脈緊止

欽定四庫全書

類證普濟本事方

記有人患傷寒六七日心煩昏睡多吐小便白色自汗予診之寸口尺中俱緊予曰寒中少陰之絕是以脈緊仲景云病人脈緊而汗出者亡陽也屬少陰法當咽痛而復下利蓋謂此也有難之曰脈訣緊脈屬七表仲景以緊脈屬少陰緊脈屬陽耶屬陰耶予曰仲景云寸口脈俱緊者清邪中於上焦濁邪中於下焦又云陰陽俱緊者口中氣出唇口乾燥倦卧足冷鼻中涕出舌上滑胎忽忘治也又云緊則為寒又云



諸緊為寒又云曾為人所難緊脈從何而來師云假令已汗若吐以肺裏寒故令脈緊假令咳者坐飲冷水故令脈緊假令下利以胃虛故令脈緊又云寸口脈微尺脈緊其人虛損多汗由是觀之則是寒邪之氣入人經絡所致皆虛寒之脈也其在陽經則浮而緊在陰經則沈而緊故仲景云浮緊者名為傷寒又曰陽明脈浮而緊者必潮熱此在陽則浮而緊也在陰則沈而緊故仲景云寸口脈微尺脈緊其人虛損

欽定四庫全書

類證普濟本事方

多汗則陰常在絕不見陽又云少陰脈緊至七八日自下利脈暴微手足反溫脈緊及去者此欲解也此在陰則沈而緊也仲景云浮為在表沈為在裏數為在腑沉為在藏欲知表裏臟腑先以浮沉遲數為定然後兼於脈而別陰陽也故論傷寒當以仲景脈法為準傷寒必本仲景猶兵家之本孫吳堊書之本郭氏三命之本珞瑜壬課之本心鏡捨是而之他是猶捨規矩而求方圓捨律呂而合五音必乖謬矣予常



作傷寒歌百篇其首篇云傷寒脈證摠論篇第一皆
本仲景今錄於後

浮大數動滑陽脈陰病見阻生可得沈瀯弦微弱屬陰

陽病見陰終死厄仲景云脈大浮數動滑此名陽也脈沈瀯弱弦微此名陰也陰病見陽脈

者生陽病見陰脈者死陰陽交互最難明輕重斟量當別白脈須有陰

陽須看輕重以分表裏在下文輕手脈浮為在表表實浮而兼有力但

浮無力表中虛自汗惡風常淅淅傷寒先要辨表裏虛實此四者為急仲景

浮為在表沈為在裏然表正有虛有實浮而有實者表實也故無汗不惡風浮而無力者表虛也故自汗惡風

欽定四庫全書
類證普濟本事方

重手脈沈為在裏裏實脈沈來亦實重手無力大而虛

此是裏虛裏審的裏正亦有虛實脈沈而有力者裏實也故腹滿大便不通沈而無力者裏

虛也或泄利或陰症之類此八句辨表裏虛實盡矣風則虛浮寒堅牢水停水畜

必沈潛動則為病數為熱友飲應須脈急弦太過之脈

為可輕不及之脈亦如然仲景云風則虛浮寒則牢堅沈潛水人友飲急弦動則為

痛數則熱煩太過可怪不及亦然邪不空見中心有奸榮衛太盛名高章高章相

搏名曰網榮衛微時名卑慄卑慄相搏損名揚榮衛既

和名緩遲緩遲名沈此最良九種脈中辨疾正長沙之



<p>脈妙難量 <small>仲景云寸口微氣盛名曰高榮氣盛名曰章曰卑慄卑相搏名曰沈大抵仲景論傷寒症候自是一家</small></p>	<p>警警有如羹上肥此脈定知陽氣微榮榮來者蛛絲細</p>	<p>却是體中陰氣衰脈如瀉漆之絕者病人亡血更何疑</p>	<p><small>仲景云警警如羹上肥者陽氣微也脈榮榮如蛛絲細者陽氣衰也脈綿綿如瀉漆之絕者亡血也陽氣衰千</small></p>	<p>陰氣陽結藹藹如車蓋陰結循竿亦象之 <small>仲景云藹藹如車蓋者陽</small></p>	<p>者陰結也 <small>循竿</small> 陽盛則促來一止陰盛則結緩而遲 <small>此謂</small></p>	<p><small>一脈也仲景云脈來緩時一止名曰結脈來數時一止名曰促脈陽盛則促陰盛則結</small> 縱橫逆順</p>	<p>欽定四庫全書 <small>類證普濟本事方</small></p>	<p>宜審察殘賊灾怪須要知 <small>仲景云脈有相乘有縱有橫有逆有順何謂也曰水行乘</small></p>	<p><small>火金行乘木名曰縱火行乘水木行乘金名曰橫水行乘金火行乘木名曰逆金行乘水木行乘火名曰順也</small></p>	<p><small>又問曰脈有殘賊何謂也師曰脈有弦緊浮滑沈瀉名殘賊能為諸脈作病也又問曰脈有灾怪何謂也答曰</small></p>	<p><small>舊時服藥今</small> 脈靜人病內虛故人安脈病曰行尸 <small>仲景曰脈</small></p>	<p><small>乃發為灾怪</small> 病脈不病名曰行尸以無主氣卒仆不知人 <small>右手氣口當</small></p>	<p>主氣主血人迎左其位氣口緊盛食必傷人迎緊盛風</p>	<p>邪熾 <small>左為人迎右為氣口人迎緊盛傷於風氣口緊盛傷於食數為在腑遲為臟浮</small></p>	<p>為在表沈為裏 <small>仲景云浮為在表沈為在裏數為在腑遲為在臟</small> 脈浮而緩風</p>
--	------------------------------	------------------------------	--	---	--	--	--------------------------------------	---	--	--	--	--	------------------------------	---	--



傷榮浮緊澁寒傷衛脈微大忌令人吐欲下猶防虛

且細仲景云脈微不可吐虛細不可下沈微氣弱汗為難三者要須當

審記孫用和云陰虛脈沈微而氣弱者不可汗汗下吐三候脈有不可行者當審之陽加於陰

有汗在左手沈微却應未素問云陽加於陰為之汗陽胃脈定

死生仲景云口陽脈者凡十有一太谿腎脈為根蒂傷寒必診太谿

腎脈胃脈為主仲景識世人握手不及足者死脈來六至或七至邪氣漸深須

用意浮大晝加病屬陽沈細夜加分陰位九至來短促

以上狀若湧泉無入氣更加懸絕漸無根命絕天真當

欽定四庫全書類證普濟本事方

死矣孫用和云脈至六至七至以上浮大晝加病更及八至精神消神氣亂必有散脫精神之候須忌急為

治療又加之九至十至雖和扁亦難治如八至九至加以懸絕治者無根也如泉之湧脈無入氣天真絕必死

也病人三部脈調勻大小浮沈遲速類此是陰陽氣已

和勿藥自然應有喜仲景云寸口關上尺中三處大小浮沈遲速同等雖有寒熱不解此

脈已和為必愈

發熱惡寒近似傷寒者有五種脈浮而數其人發熱而

惡寒者傷寒之候也脈浮而緊其人發熱惡寒或有痛

處是欲為癰癤也脈浮按之反澁其人發熱惡寒或膈



實而嘔吐此是傷食也脈浮而滑其人發熱而背寒或
 頭眩而嘔吐此是風痰之症也脈浮而弦其人發熱而
 惡寒或思凡食此是欲作瘧疾也能辨其脈又驗其證
 斯無誤也

欽定四庫全書

類證普濟本事方

類證普濟本事方卷九



欽定四庫全書

類證普濟本事方卷十 宋 許叔微 撰

治婦人諸疾

治婦人榮衛氣虛挾風冷胸脇膨脹腹中疴痛經水愆
期或多或少崩傷漏下腰腿痛重面色青黃嗜卧無力

安胎止痛補虛益血

四物湯

當歸 熟地黄 白芍藥 芎藭 各等分

欽定四庫全書

類證普濟本事方

右粗末每服四錢水一盞煎八分去滓溫服不以時候

滑胎枳殼散

商州枳殼 兩二
甘草 兩一

右細末每服二錢百沸湯點服空心食前日三服凡
懷孕六七月以上即服令兒易生初生胎小微黑百
日以後肉漸變白此雖孫真人滑胎易生方然抑陽
降氣為衆方之冠

治妊娠衝任脈虛補血安胎



內補圓

熟地黄 二兩

當歸 一兩
微炒

右細末煉蜜和丸如梧子大每服三四十九丸温酒下
上三方諸集皆載之在人用之如何耳大率婦人妊
娠惟在抑陽助陰素問云陰博陽別為有子之兆關
前為陽關後為陰尺中之脈按之博手不絕者妊子
也婦人平居陽氣微盛無害及其妊子則方閉經隧
以養胎若陽盛博之經脈妄行胎乃不固素問所謂

欽定四庫全書

類證普濟本事方

陰虛陽博謂之崩也抑陽助陰之方甚多然胎前藥
惟惡羣隊若陰陽交雜別生他病惟是枳殼散所以
抑陽四物湯所以助陰故耳枳殼散差寒若單服之
恐有胎寒腹痛之疾以內補丸佐之則陽不至強陰
不至弱陰陽調勻有益胎嗣此前人未嘗論及
治婦人有孕傷食

木香圓

木香 二錢

京三稜

白茯苓

人參 各三錢



右細末麵糊丸菘豆大每服三十九丸熟水下	治妊娠氣不和調飲食	白朮散	白朮 <small>炒</small> 乾紫蘇 <small>各一兩</small> 白芷 <small>微炒三錢</small> 人參 <small>三錢</small>	川芎 訶子皮 青皮 <small>各半兩</small> 甘草 <small>一錢</small>	右細末每服二錢水一盞薑三片煎七分不據時候溫服 經云飲食自倍腸胃乃傷又云陰之所生過在五味陰 之五宮傷在五味若姪子飲食不節生冷毒物恣性食	欽定四庫全書 類證普濟本事方	嗽致脾胃之疾故妊娠傷食難得藥惟此二方穩捷	治妊娠胎氣不和懷胎近上脹滿疼痛謂之子懸兼治	臨產驚恐氣結連日不下	紫蘇飲	紫蘇莖葉 <small>一兩</small> 大腹皮 人參 川芎 陳桔	皮 白芍藥 <small>各半兩</small> 當歸 <small>三錢</small> 甘草 <small>一分</small>	右細剉分作三服每服用水一盞半生薑四片葱白	七寸煎至七分去滓空心服
--------------------	-----------	-----	--	---	--	-------------------	----------------------	-----------------------	------------	-----	-------------------------------------	--	----------------------	-------------



曾有婦人累日產不下服徧催生藥不驗予曰此必
坐草太早心懷下一懼氣結而然非胎不順也素問
云恐則氣下蓋恐則精却却則上焦閉閉則氣還還
則下焦脹氣乃不行矣得此藥一服便產及婦人六
七月子懸者予用此數數有驗不十服胎便近下
下死胎方

桂末二錢麝香當門子一個同研溫酒服須臾如手
推下比之用水銀等此藥不損血氣趙和叔傳

欽定四庫全書

類證普濟本事方

治婦人病多是月經乍多乍少或前或後時發疼痛鑿
者一例呼為經病不曾說是陰勝陽是陽勝陰所以服
是藥少得有效蓋陰氣乘陽則胞寒氣冷血不運行經
所謂天寒地凍水凝成冰故令乍少而在月後若陽氣
乘陰則血流散溢經所謂天暑地熱經水沸溢故令多
而在月前當知其陰陽調其血氣使不相乘以平為福
紫石英圓

紫石英

禹餘糧

燒
淬

人參

龍骨



川烏頭 <small>炮</small> 桂心 桑寄生 杜仲	五味子 遠志 澤瀉 當歸 石斛	茯苓 乾薑 <small>各一兩</small> 川椒 牡礪	甘草 <small>各半兩</small>	右為末煉蜜丸如梧子大飲下三十九至五十九空 心食前服	治婦人室女月候不通疼痛或成血瘕	通經圓	欽定四庫全書 類證普濟本事方	桂心 青皮 <small>去皮</small> 大黃 <small>炮</small> 乾薑 川椒 蓬莪朮	川烏 乾漆 當歸 桃仁 <small>各等分</small>	右細末將四錢用米醋燉成膏和餘六錢末成劑白 中治之圓如桐子大曬乾每服二十九用淡醋湯下 加至三十圓溫酒亦得空心食前服	徽州靈巫張擴頃年緣事在推勘院有王鑿者以鑿 職直宿日夜與之稔熟口傳此方渠甚秘之予後得 此方治婦人疾不可勝數且欲廣行不敢自秘尋常
---	-----------------------------	---	-----------------------	------------------------------	-----------------	-----	-------------------	--	---	--	--



血氣凝滯疼痛數服便效有一師尼患惡風體倦乍
寒乍熱面赤心煩或時自汗是時疫氣大行鑿見其
寒熱作傷寒治之大小柴胡湯雜進數日病劇予診
視曰三部無寒邪脈但厥脈弦長而上魚際宜服抑
陰等藥予製此地黃圓

生地黄

兩二

柴胡

秦艽

黃芩

兩各半

赤芍藥

兩一

右細末煉蜜丸如桐子大每服三十丸烏梅湯吞下

欽定四庫全書

類證普濟本事方

不據時候日三服

昔宋褚澄療師尼寡婦別製方蓋有謂也此二種鰥
居獨陰無陽慾心萌而多不遂是以陰陽交爭乍寒
乍熱全類溫瘧久則為勞常讀史記倉公傳載濟北
王侍人韓女病腰背痛寒熱衆醫皆以為寒熱也倉
公曰病得之欲男子不可得也何以知欲男子而不
可得診其脈肝脈弦出寸口是以知之蓋男子以精
為主婦人以血為主男子精盛則思室婦人血盛則



琥珀散	治婦人月經壅滯每發心腹臍疔痛不可忍及治產後惡露不快血上愴心迷悶不省氣絕欲死	也	速治之此扁鵲過邯鄲聞貴婦人帶下所以專為鑿	此龐老方婦人有白帶是第一等病令人不產有宜	日三服	欽定四庫全書	類證普濟本事方	右細末煉蜜丸如梧子大每服四五十九丸空心酒下	代赭石 <small>醋淬各一兩</small> 厚樸 白僵蚕 <small>各一兩</small>	熟地黄 <small>一兩</small> 山茱萸 白蕪荑 乾薑 白芍藥	地黃圓	飲食少味累年無子	治婦人月經不調每行數日不止兼有白帶漸漸瘦悴	血盛可知故知褚澄之言信有謂矣	懷胎無肝攝血有也厥陽弦出寸口又上魚際則陰	
荆三稜 蓬莪朮 赤芍藥 劉寄奴 牡丹皮																



<p>官桂 熟地黄 菊花 真蒲黃 當歸 <small>乾秤以上各一兩對</small></p>	<p>右前五味用烏豆一升生薑半觔切片米醋四升同</p>	<p>煮豆爛為度焙乾入後五味同為末每服二錢溫酒</p>	<p>調下空心食前服一方不用菊花蒲黃用烏藥玄胡</p>	<p>索亦佳予家之秘方也若是尋常血氣病只一服產</p>	<p>後血衝心二服便下常服尤佳予前後救人急切不</p>	<p>少此藥易合宜多合以救人</p>	<p>治婦人血瘦血積經候不通</p>	<p>欽定四庫全書 類證普濟本事方</p>	<p>桃仁圓 <small>去皮尖 麩炒黃</small> 大黃 川樸硝 <small>各一兩</small> 蜜蟲 <small>半兩 炒黑</small></p>	<p>右四味末之以醇醋二升半銀石器中慢火煎取一</p>	<p>升五合下大黃桃仁蜜蟲等不住手攪千下後下樸</p>	<p>硝更不住手攪良久出之丸如梧子大前一日不用</p>	<p>喫晚食五更初用溫酒吞下五圓日午取下如赤豆</p>	<p>汗鷄肝蝦麻如未下再作血解紅即止續以調氣血</p>	<p>藥補之</p>
---	-----------------------------	-----------------------------	-----------------------------	-----------------------------	-----------------------------	--------------------	--------------------	---------------------------	---	-----------------------------	-----------------------------	-----------------------------	-----------------------------	-----------------------------	------------



此出千金方頃年在毘陵有一貴人妻患小便不通
臍腹脹不可忍衆醫皆作淋治如八正散之類數種
治皆不退痛愈甚予診之曰此血癥也非瞑眩藥不
可去予用此藥更初後至日午痛大作不可忍遂卧
少頃下血塊如拳者數枚小便如黑汁者一二升痛
止得愈此藥治病的切然猛烈太峻氣虛血弱者更
斟酌與之

治婦人妊孕六七月因事築碯著胎或子死腹中惡露

欽定四庫全書

類證普濟本事方

下疼痛不已口噤欲絕用此藥探之若不損則痛止

子母俱安若胎損立便下此藥催生神效

佛手散

川芎 當歸 各等分

右粗末每服三錢水一小盞煎令泣泣欲乾投酒一大
盞止一沸去滓温服口噤灌之如人行五七里再進不
過三二服便生有一方云此藥治傷胎去血多崩中去
血多金瘡去血多拔齒去血多昏暈欲倒者去水煎服



治崩中下血方

黃芩為細末每服一錢燒秤鎚酒調下崩中藥多是用止血及補血藥此治陽乘陰前所謂天暑地熱經水沸溢者

治下血不止或成五色崩漏方

香附子椿去皮毛中斷之略炒為末每服二錢用清米飲調下此方徐朝奉傳其內人有是疾服徧藥不效後獲此方遂愈須久服為佳亦治產後腹痛大是

欽定四庫全書

類證普濟本事方

婦人仙藥常服益血調氣

治產後中風口噤牙關緊急手足痲痺愈風散

荊芥穗輕焙過一兩細末每服二錢溫酒調下

經驗產室皆有之陳選方中用舉卿古拜二味蓋切

脚隱語以秘之也此藥委有奇效神聖之功大抵產

室但無風為佳不可衣被帳褥太煖太煖即出汗出

汗則腠理開易於中風便昏冒記有一婦人產後遮

護太密閣內更生火睡久及醒則昏昏如醉不省人



事其家驚惶鑿用此藥佐以交加散祝云服之必睡	睡中必以左手搔頭覺必醒矣果如其言	交加散治婦人榮衛不通經脈不調腹中撮痛氣多血	少結聚為癥產後中風	生薑 五兩研 取汁	生地黄 五兩研 取汁	右交互用汁浸一夕各炒黃漬汁盡為度末之尋常	腹痛酒調下三錢產後尤不可缺	治婦人諸般淋	欽定四庫全書 類證普濟本事方	苦杖根俗呼為杜牛膝多取淨洗碎之以一合用水	五盞煎一盞去滓用麝香乳香少許研調下	鄞縣武尉耿夢得其內人患砂石淋者十三年矣每	洩痛楚不可忍溺器中小便下砂石剝剝有聲百方	不效偶有此方啜之一夕而愈目所見也	半夏散	半夏末如豆大許竹管吹入鼻中立醒	治產後出血太多虛煩發渴蒲黃散
----------------------	------------------	-----------------------	-----------	--------------	---------------	----------------------	---------------	--------	-------------------	----------------------	-------------------	----------------------	----------------------	------------------	-----	-----------------	----------------



真蒲黃末二錢飲下渴燥甚新汲水下
治妊娠時氣身太熱令子不落護胎方
伏龍肝為末水調塗臍下二寸乾則易差即止又取
井中泥塗心下乾則易
又方
浮萍乾
川樸硝
蛤粉
大黃 <small>碎微炒</small>
藍根 <small>各一兩</small>
右為末水調封臍上安胎解煩熱極妙
欽定四庫全書
類證普濟本事方
婦人患頭風者十居其半每發必掉眩如在車上蓋因
血虛肝有風邪襲之耳素問云狗豪招搖目眩耳聾上
虛下實過在足少陽厥陰甚則歸肝蓋此謂也予常處
此方以授人比他藥捷而效速
芎藭散
川芎 <small>一兩</small>
當歸 <small>三錢</small>
羌活
旋覆花
蔓荊子
細辛
石膏 <small>華陰者</small>
藁本
荊芥穗
半夏 <small>炒</small>
防風
熟地黃
甘草 <small>各半兩</small>



右為末每服一錢水一大盞薑三片同煎至七分去滓溫服不拘時

婦人產後有三種疾鬱冒則多汗汗則大便秘故難於用藥惟麻子蘇子粥最佳則穩

紫蘇子大麻子二味各半合淨洗研極細用水再研取汁一盞分二次煮粥啜之不惟產後可服大抵老人諸虛人風秘皆得力常有一貴人母年八十四忽然腹滿頭疼惡心不下食占鑿者數人議皆拱補脾

欽定四庫全書

類證普濟本事方

進食治風清利頭目藥數日病愈甚全不進食其家憂懇予辨之予說之曰藥皆悞矣此症止是老人風秘臟腑壅滯聚於膈中則腹脹惡心不喜食又上至於巔則頭痛神不清也若得臟腑流暢諸疾悉去矣予令作此粥兩啜而氣泄先下結屎如胡椒者十餘後漸得通利不用藥而自愈

治婦人天癸以過期經脈不勻或三四月不行或一月再至腰腹疼痛素問云十損七益謂女子十七數盡而



鹿角屑一兩水一碗葱白五莖豆豉半合煎六分溫二服	鹿屑湯	治妊娠熱病胎死腹中	盡劑而愈古方識病製方種種妙絕如此試而後知	燥悲傷欲哭象如神虛數次者大棗湯予急令治藥	穰請禱脩至終不應予忽憶金匱有一證云婦人臍	鄉里有一婦人數次無故悲泣不止或謂之有崇祈	右呶咀以水六升煮三升去滓溫分三服亦補脾氣	欽定四庫全書	類證普濟本事方	大棗湯	甘草 <small>三兩</small>	小麥 <small>一升</small>	大棗 <small>十枚</small>	治婦人臍燥	右細末每服二錢酒下空心日三服冷去黃芩加桂一兩	白朮 <small>兩半</small>	山茱萸 <small>兩半</small>	當歸	川芎	白芍藥	黃芩 <small>各剉炒各一兩</small>	當歸散	經脈不依時者血有餘也不可止之但令依時不腰痛為喜
------------------------	-----	-----------	----------------------	----------------------	----------------------	----------------------	----------------------	--------	---------	-----	----------------------	----------------------	----------------------	-------	------------------------	----------------------	-----------------------	----	----	-----	--------------------------	-----	-------------------------



治婦人生產數日不下及胞衣死胎不下者方

用葶麻七粒去殼研如泥塗足心纔下急洗洗去此

崔元亮海上方人但未知耳政和中一鄉人內子產

二日不下予令漫試之一塗俄頃便下自後常用極

驗

小兒病方

候小兒脈當以大指按三部一息六七至為平和十至

為發熱五至為內脹脈緊為風癩沉緩為傷食促急為

欽定四庫全書

類證普濟本事方

虛驚弦急為氣不和沈細為冷浮為風大小不勻為惡候

為鬼崇浮大數為風為熱伏結為物聚單細為疳勞凡

腹痛多喘嘔而脈洪者為有蟲浮而遲潮熱者胃表也

溫之則愈予嘗作歌以紀之歌曰小兒脈緊風癩候沈

緩食傷多吐嘔咬急因知氣不和急促虛驚神不守冷

則沈細風則浮半實大便應秘久腹痛之候緊而弦脈

亂不治安可救變蒸之時脈必變不治自然無過繆單

細疳勞洪有蟲大小不勻為惡候脈浮而遲有潮熱此



必胃寒來內寇瀉痢浮大不可鑿仔細斟量宜審究嬰
孩未可脈方者俗鑿多看虎口中紋顏色與四肢冷熱
驗之亦有可取予又以二歌紀之虎口色歌曰紫色紅
傷寒青驚白色疳黑時因中惡黃即困脾端冷熱症歌
曰鼻冷定知是瘡疹耳冷應知風濕症通身皆熱是傷
寒上熱下冷傷食病若能以色脈參互驗之所得亦過半矣
治小兒一切驚疳食稍風癩之症

睡驚圓

欽定四庫全書

類證普濟本事方

史君子

五十箇
燒存性

香墨

棗大
一塊

金銀箔

各五
片

右先研史君子墨細次入金銀箔乳鉢內同研次入

膩粉併麝香少許研令極細勻稀糊丸如梧子大陰

乾每服一九薄荷湯磨下一歲以下半丸一名青金

丹鄉里一士人家貨此藥日得數十錢已百餘年矣

治小兒嘔吐脈數有熱

麥門冬散

麥門冬

半夏麩

人參

茯苓

各二
錢

甘草

一
錢



<p>右細末每服二錢水一盞薑三片煎五分日二三服 治小兒嘔吐脈遲細有寒</p>	<p>白朮散</p>	<p>白朮 人參 各三錢 半夏 麩 二錢 茯苓</p>	<p>乾薑 甘草 各一錢</p> <p>右每服二錢水一盞薑三片棗一枚煎七分日二三服 治小兒久傷脾胃腹脹</p>	<p>調中圓</p> <p>欽定四庫全書 類證普濟本事方</p>	<p>乾薑 橘紅 白朮 茯苓 木香</p>	<p>縮砂仁 官桂 良薑 各等分</p>	<p>闕</p>	<p>闕</p>	<p>闕</p>
---	------------	---	--	---	-----------------------	----------------------	----------	----------	----------



又方	右為末酒浸蒸餅和丸如雞頭大每服一丸槌研溫米飲下	全蝎	厚樸	白朮	船上硫黃	天麻	各半	醒脾圓	欽定四庫全書	類證普濟本事方	治小兒慢脾風因吐利後虛因昏睡欲生風癇藥也	生附子及青州白圓子金液丹合用之如醒脾丸皆要	惟慢脾風因吐瀉脾胃受風為難治難得藥近世多用						
全蝎	二箇青薄荷葉包煨	白朮	指面大二塊	麻黃	長五寸十箇去節	右細末二歲以下一字三歲以上半錢薄荷湯下量													



大小加減服	治脾風多困	人參散	人參 冬瓜仁 <small>冬半兩</small> 天南星 <small>一兩切片用漿水薑汁煮存性</small>	右細末每服一錢水半盞煎二三分溫服	治小兒胎虛氣弱吐利生風昏困嗜卧或潮搐	蝎稍圓	全蝎 <small>微炒</small> 白附子 <small>煨裂各半兩</small> 通明硫黃 <small>一兩</small> 半夏 <small>一片</small>	欽定四庫全書 薑汁製 炮乾 類證普濟本事方	右為末薑汁糊丸如麻子大每服三十粒荆芥湯下 更看大小加減法	治小兒拗哭	龍腦散	龍腦 蟬殼 鈎藤 <small>有鈎子者</small> 羌活 茯苓	人參 <small>各等分</small>	右為末每服一大錢水一大盞煎六分去滓熱服
-------	-------	-----	---	------------------	--------------------	-----	--	--------------------------------	---------------------------------	-------	-----	--	-----------------------	---------------------



類證普濟本事方卷十								欽定四庫全書								
								類證普濟本事方								

